


書書



唐書目錄

推忠佐理功臣裴大常書禮部侍郎兼知政事柱國廬陵侯國公裴司空裴武俊伯裴人憲侯裴實其奉

勅提舉編脩

本紀十

志五十

表十五

列傳一百五十

本紀

第一

高祖皇帝

第二

太宗皇帝

第三

高宗皇帝

第四

則天順聖武皇后

中宗皇帝

第五

睿宗皇帝

玄宗皇帝

第六

肅宗皇帝

代宗皇帝

第七

德宗皇帝

順宗皇帝

憲宗皇帝

第八

穆宗皇帝

敬宗皇帝

文宗皇帝

武宗皇帝

宣宗皇帝

第九

懿宗皇帝

僖宗皇帝

第十

昭宗皇帝

哀皇帝

志

第一

禮樂一

第二

禮樂二

第三

禮樂三

第四

禮樂四

第五

禮樂五

第六

禮樂六

第七

禮樂七

第八

禮樂八

第九

禮樂九

第十

禮樂十

第十一

禮樂十一

第十二

禮樂十二

第十三上

儀衛上

第十三下

儀衛下

第十四

車服

第十五

曆一

第十六

曆二

第十七上

曆三上

第十七下

曆三下

第十八上

曆四上

第十八下

曆四下

第十九

曆五

第二十上

曆六上

第二十下

曆六下

第二十一

天文一

第二十二

天文二

第二十三

天文三

第二十四

五行一

第二十五

五行二

第二十六

五行三

第二十七

地理一

第二十八

地理二

第二十九

地理三

第三十

地理四

第三十一

地理五

第三十二

地理六

第三十三上

地理七上

第三十三下

地理七下

第三十四

選舉上

第二十五

選舉下

第三十六

第四百官一

第三十七

第四百官二

第三十八

第四百官三

第三十九上

第四百官四上

第三十九下

第四百官四下

第四十

兵式下

第四十

食貨上

第四十二

食貨二

第四十三

食貨三

第四十四

食貨

第四十五

食貨五

第四十六

刑法

第四十七

藝文一

第四十八

藝文二

第四十九

藝文三

第五十三

藝文四

表 藝文二

第一十八

宰相上

第二十五

宰相中

第三

宰相下

第四

方鎮

第五

方鎮二

第六

方鎮三

第七

方鎮四

第八

方鎮五

第九

方鎮六

方鎮六

第十上

宗室世系上

第十下

宗室世系下

第十一上

宰相世系一上

第十一下

宰相世系一下

第十二上

宰相世系二上

第十二中

宰相世系二中

第十二下

宰相世系三上

第十三上

宰相世系三下

第十三下

宰相世系四上

第十四上

宰相世系四止

第十四下

宰相世系四下

第十五上

宰相世系五上

第十五下

宰相世系五下

列傳

第一 后妃上

太穆寶皇后

文德長孫皇后

徐賢妃

王皇后

則天武皇后

和思趙皇后

韋皇后 上官昭容

肅明劉皇后

昭成寶皇后

王皇后

貞順武皇后

元獻楊皇后

楊貴妃

第二 后妃下

張皇后

章敬吳皇后

貞懿獨孤皇后

睿真沈皇后

昭德王皇后 韋賢妃

莊憲王皇后

懿安郭太后

孝明鄭太后

恭僖王太后

貞獻蕭太后

宣懿韋太后

郭貴妃

王賢妃

元昭晁太后

惠安王太后

郭淑妃

恭憲王太后

何皇后

第三宗室

江夏王道宗

廣寧縣公道興

永安王孝基

漢

淮陽王道玄

漢

長平王叔良

郟國公孝協新興郡王

彭國公思訓

長樂王幼良

襄武王琛

河間王孝恭

漢陽王瓌

廬江王瑗

淮安王神通

膠東王道彥

梁郡公孝逸

國貞

襄邑王神符

隴西公博又

渤海王奉慈

第四高祖二十二子

隱太子建成

衛王玄霸

巢王元吉

楚王智雲

荆王元景

漢王元昌

鄧王元亨

周王元方

徐王元禮

韓王元嘉黃公

彭王元則

鄭王元懿

霍王元軌

虢王鳳

道王元慶

鄧王元裕

舒王元名

魯王靈夔

江王元祥

密王元曉

滕王元嬰

第五 太宗九王

常山王承乾

鬱林王恪

成王千里 趙國公恒

吳王琨 嗣吳王祗

信安王禕 嗣吳王燾

濮王泰

庶人祐

蜀王愔

蔣王暉之芳

越王貞

琅琊王冲

紀王慎義陽王琮

曹王明

嗣曹王阜 道石

象古

第六 三宗諸子

燕王忠

澤王上金

許王素節

哀信王瑒

孝敬皇帝弘裴君道

章懷太子賢

邠王守禮 燉煌王承宏

廣武王承宏

懿德太子重潤

譙王重福

節愍太子重俊

讓皇帝憲

汝陽王璉景儉

漢中王瑀

惠莊太子撝

惠文太子範嗣岐王珍

惠宣太子業

嗣薛王元榮

第七十一宗諸子

奉天皇帝琮

太子瑛

棣王琬

鄂王瑤

靖恭太子琬

光王琑

頽王璈

永王璘

壽王瑁

延王玢

盛王琦

豐王珙

汴王璣

越王係

承天皇帝倓

彭王儼

襄王儂

嗣王媼

恭懿太子侶

昭靖太子邈

睦王述

舒王誼

通王諡

虔王諒

肅王詳

文敬太子諒

郊王經

惠昭太子寧

澧王恽

絳王悟

建王恪

懷懿太子湊

安王溶

悼懷太子普

陳王成美

莊恪太子永

通王滋

吉王保

德王裕

第八王諸帝公主

世祖一女

高祖十九女

太宗二十二女

高宗三女

中宗八女

睿宗十一女

玄宗二十九女

肅宗七女

代宗十八女

德宗十一女

順宗十一女

憲宗十八女

穆宗八女

敬宗三女

文宗四女

武宗七女

宣宗十一女

懿宗八女

僖宗二女

昭宗十一女

第九

李密

第十

王世充

竇建德

第十一

唐書目錄

薛舉

李軌

劉武周

高開道

劉黑闥

第十二

蕭銑

輔公柘

沈法興

李子通

梁師都

劉季真

朱榮

林士弘

第十三

劉文靜

裴寂

李思行

劉師立

劉義節

姜寶誼

樊興
李安遠

公孫武達
馬三寶

龐卿博
李孟嘗

張長孫
元仲文

張平高
秦行師

第十四

屈突通

張公謹

秦瓊

尉遲敬德

唐儉

次

段志玄

李襲志

第十五

劉弘基

殷開山

劉政會

崇龜

崇望

許紹

欽叔

程知節

任瓌

第十六

温大雅

皇甫無逸

姜暮

李嗣真

第十七

杜伏威

李子和

柴紹

丘和

温大雅

皇甫無逸

姜暮

李嗣真

崔善為

張士貴

苑君璋

羅藝

第十八

李靖

第十九

侯君集

薛萬均

第二十

高儉

竇威

第二十一

王君廓

李勣

張亮

薛萬均

高儉

竇威

房玄齡 遺愛

杜如晦 楚客 讓能

元頴

第二十二

魏徵 莫言

第二十三

王珪 燾

薛收 元超 元敬 伯陽

馬周 載

韋挺 待價 武

第二十四

李綱 安仁 安靜

李大亮 道裕 迥秀

戴胄 至德

劉洎 樂彥璋

崔仁師 湜 液

第二十五

陳叔達

楊恭仁 思訓 執柔

封倫

裴矩

宇文士及

鄭善果 元壽

權萬紀 懷恩

閻立德 立本

蔣儼

韋弘機 弘壽子

姜師度 彥楷

張知謩

第二十六

蕭瑀

蕭瑀

蕭瑀

蕭瑀

蕭瑀

第二十七

李之本

元

長情

李百藥

褚亮

李

姚思廉

李狐德

李

李

第二十八

蘇世長

良嗣

韋雲起

方實

孫伏伽

張玄素

第二十九

于志寧

休烈

龐嚴

高季輔

張行成

昌宗

第三十

長孫无忌

敬

順德

褚遂良

韓瑗

來濟

恒

李義琰

義琛

上官儀

第三十一

杜正倫

求仁

崔知温

知悌

高智周

石仲覽

郭正一

萬曆十六年

監生黃以昌刊

趙弘智 來章

崔敦禮

楊弘禮 弘武 元僖

盧承慶 齊卿

劉祥道 齊賢 從一

李敬玄 元素

劉德威 審禮 延景 延嗣

孫處約 全

邢文偉 高子貢

第三十二

傅弈 呂才 方毅

陳子昂 王無兢 趙元

第三十三

劉仁軌 裴行儉 光廷 均

婁師德

第三十四

崔義玄 神基 神慶

楊再思 季昭

竇懷貞 兢

宗楚客 晉卿 紀處訥

祝欽明 郭山暉

王璵

第三十五 諸夷蕃將

阿史大柁

馮盎 智戴 子猷

阿史那社介 忠

執失思力

契苾何力 明

黑齒常之

李謹行

泉男生

萬曆十六年

唐書目錄

監生吳一中刊

李多祚 李湛

論弓仁 惟貞

尉遲勝

尚可孤

裴玠

第三十六

郭孝恪

張儉 延師

王方翼 珣

蘇定方

薛仁貴 訥 嵩

程務挺

王孝傑

唐休璟

張仁愿 張敬忠

王峻

第三十七

王義方

負半千 石抱忠

韓思彦 苑

蘇安恒

薛登

王求禮

柳澤 範 爽

馮元常 元淑

蔣欽緒 沈 清

第三十八

唐臨 膠 紹

張文瓘 文琮 文收 錫

徐有功 商 彦 若

第三十九

崔融 從 安 潛

能 彥 魯 慎 日

徐彥伯

蘇味道

崔元綜

第四十

狄仁傑

郝處俊

朱敬則

第四十一

王綝

備博

遂

韋思謙

承慶

嗣立

陸元方

象先

弘景

王及善

李日知

第四十二

杜景佺

李懷遠

景伯

裴炎

佃先

劉禕之

郭翰

魏玄同

恬

李昭德

吉頊

第四十三

張廷珪

韋湊

見素

繩

李顥

虛心

知人

韓思復

朝宗

宋務光

呂元泰

辛替否

李渤

裴潏

張臯

李中敏

李款
李甘

第四十四

武平一

李义

賈曾

白居易

行簡
敏中

第四十五

桓彥範

盧襲秀
楊元琰

薛季昶
仲昌

敬暉

崔玄暉

馮
縱

張柬之

袁恕已

高

第四十六

劉幽求

鍾紹京

崔日用

宗之
曰知

王琚

張璋

王毛仲

李守德
陳玄禮

第四十七

魏元忠

常安石

陟
抗

叔夏

郭元震

字元振

第四十八

李士嶠

蕭至忠

盧藏用

韋巨源

趙彥昭

和逢

第四十九

姚崇奕

宋璟渾

第五十部

蘇瓌

張說均

第五十一

魏知古

盧懷慎負

李元紘

杜暹鴻漸

張九齡拯仲方

韓休洪

第五十二

張嘉貞延賞次宗

弘靖文規

源乾曜光裕

裴耀卿佳

第五十三

蘇珣晉

尹思忠

畢構栩

李傑

鄭惟忠

王志愔

許景先

潘好禮

倪若水

席向豫

齊澣杭

第五十四

裴守真子餘行立

崔沔

盧從愿

李朝隱

王炎丘

嚴挺之 武

第五十五

裴淮 寬 肅

陽嶠

宋慶禮

楊瑒

崔隱甫

李尚隱

解琬

第五十六

宗室宰相 王志

李適之

李峴

李勉

李夷簡

李程 廓

李石 福

李回

第五十七

劉子玄 貺 贊

劉秩 敦 儒 飢 飲 迅

吳兢

常述

蔣乂 係 伸

柳芳 登 璟

沈既濟 傳 師 試

第五十八

郭虔瓘

郭知運 英 傑 義

王君奭

張守珪 獻 誠 獻 恭 獻 甫

王忠嗣

牛仙客

第五十九

宇文融

韋堅

楊慎矜

王鉷
盧鉉

第六十

哥舒翰
曜

高仙芝

封常清

第六十一

李光弼
彙

李國臣
光進
荔非元禮
郝廷玉
張伯儀
白元光

陳利貞
侯中莊

柏良器
烏承玘

第六十二

郭子儀

曜

銛
晞

承
暇

嬰
明

所
劍

第六十三

李嗣業

馬璘

李抱玉
抱真

路嗣恭
應

第六十四

房琯
式

復

啓

張鎬

李泌
繁

第六十五

崔圓

苗晉卿

張冕

裴遵慶
向

呂諲

第六十六

崔光遠

鄧景山 崔曜

魏少游

衛伯玉

李澄 克寧

韓全義

盧從史

高霞寓

第六十七

李麟

楊綰

崔祐甫

柳渾 識

韋處厚

路隋

第六十八

高適

元結

李承

韋倫

薛珏 存慶

崔漢衡

戴叔倫

王羽 正雅

徐申

郝士美

辛祕

第六十九

來瑱 裴茂

田神功 神玉

侯希逸

崔寧 荒

嚴礪

第七十

元載 卓英璘 李少良

楊炎 庾準

竇參 申 吳通玄

第七十一

李栖筠 吉甫 德脩

第七十二

王思禮

王難得 用

嚴郢

王縉 黎幹

嚴郢

李鄴 礪

魯炁

辛雲京 京 吳

李芑

曲環

盧羣

盧士攷

李芑

馮河清 姚况

李叔明 昇

王虔休

李元素

第七十三

令狐彰 建 通

康日知 忠睦 承訓

劉灘

王承元

史孝章

張孝忠 茂宗 裴夷直

李洧

田弘正 布 牟

牛元翼 傅良弼 李蒙

張孝忠 茂昭 陳楚

田弘正

牛元翼

史孝章

王承元

史孝章

第七十四

劉晏

濛包信

暹

盧徵

潼

李若初

元秀于頔

第五琦

班宏

王紹

李巽

第七十五

李揆

常袞

趙憬

崔造

齊映

盧邁

第七十六

關播

李元平

董晉

溪劉全諒

陸長源

袁滋

趙宗儒

竇易直

第七十七

張鎰

姜公輔

武元衡

李絳

宋申錫

第七十八

段秀實

倫

劉禹錫

文憲

顏真卿

第七十九

李晟
魏

第八十

馬廷
渾瑊

第八十一

楊朝晟
戴休顏

陽惠元
李元諒

李觀
韓游瓌

杜希全
邢君牙

第八十二

陸贄

第八十三

韋皋
張建封
情

嚴震
韓弘
公武

第八十四

鮑防
李自良

蕭昕
薛播

樊澤
王緯

吳漢
鄭權

陸亘
盧坦
閻濟美

柳晟
崔戎

第八十五

徐浩

孟蘭

楊憑

崔元略

第八十六

張薦

李紆

徐岱

馮伉

呂渭

劉伯芻

潘孟陽

韋綬

趙洵

鄭雲逵

王仲舒

庾敬休

第八十七

姚南仲

顧少連

段平仲

許孟容

李遜

第八十八

孔巢父

穆寧

柳公綽

獨孤及

韋夏卿

呂元膺

薛存誠

戡

崔邠

子華

楊於陵

馬總

第八十九

歸崇敬

登融

奚陟

崔衍

盧景亮

王源中

薛莘

膺

衛次公

洙

薛戎

放

胡証

丁公著

崔弘禮

崔玄亮

王質

殷侑

盈孫

王彥威

第九十

鄭餘慶

鄭珣瑜

朗

裔綽

高郢

鄭綱

顯

權德輿

崔羣

第九十一

賈耽

杜佑

式方

悰

孺休

令狐楚

第九十二

白志貞

裴延齡

崔損

韋渠牟

李齊運

李實

皇甫鏞

王播起式

龜

第九十三

韋執誼

王播

策王叔文王丕 凌準

韓暉 韓泰

陳諫

陸質

劉禹錫

柳宗元

程异

第九十四

杜黃裳勝

裴均

李藩

韋貫之澳 溫

綬 蕭祐

第九十五

高崇文承簡

伊慎

朱忠亮

劉昌裔

范希朝

王鏐毅

孟元陽

三栖曜茂元

劉昌士涯

趙昌

李景略

任迪簡

張萬福

高固諱良嗣

第九十六

李光進元祖

烏重胤石洪 李瑛

王神

楊元卿元宗

曹華

劉西

第九十七

于順達 王智與 吳子

杜兼 杜亞

范傳正

第九十八

裴度

第九十九

李逢吉 元稹

牛僧孺 李宗閔

楊嗣復 吳

第一百

賈奉 劉栖楚

張又新 楊虞卿 漢士公

張翊 熊望

補齊

第一百

張籍 皇甫湜

第一百

錢徽
崔成

高鉞
高鉞

李虞仲

盧簡辭
知獻
簡求
知止

封敖

敬晦

李景讓
景溫

第一百三

劉賁

第一百四

李訓
鄭注

王涯
賈餗

舒元興

王璠
郭行餘
李孝本
韓約
顏師範
羅立言
李貞素

第一百五

李德裕
燁
崔服
延古
丁采立

第一百六

陳夷行
李紳

李讓夷
曹確

劉瞻
助
李蔚

第一百七

李固言

崔珙

汾

遠

蕭鄴

鄭肅

仁表
盧商

盧鈞

盧簡方

韋琮

周墀

裴休

劉瑒

夏侯攷

趙隱

裴坦

贊

鄭延昌

王溥

盧光啓

韋貽範

第一百八

畢誠

崔彥昭

劉鄴

豆盧瑑

陸扆

鄭縻

朱朴

孫僊

韓偓

儀

第一百九

馬植

楊收

路巖

李孫衡

盧攜

第一百十

鄭畋

王鐸

王徽

韋昭度

張濟

第一百十一

周寶

鄧處訥 雷滿

劉巨容 馮行襲

楊守亮

顏彥朗 彥暉

王處存 守

陳儒

趙德諲 巨疑

楊晟

第一百十二

王重榮 珂

李罕之

諸葛爽

王敬武 師範

孟方立 遷

第一百十三

楊行密

朱宣

時溥

孫儒

第一百十四

高仁厚

田頴

趙犛 昶

朱延壽

第一百十五

劉建鋒

杜洪

成汭

鍾傳

劉漢宏

王潮 審邦

第一百十六 忠義上

夏侯端

常達

呂子臧 馬元規

羅士信

李育德 李公逸 張善相

安金藏

吳保安

張雄

劉知謙 盧光稠

劉感

敬君弘 謝叔方

王行敏 盧士獻 李玄通

張道源 楚金

高獻 仲舒

王同皎 周憬

李愷 源 彭

盧弈 元輔

第一百十七 忠義中

顏泉卿 春卿

張巡

第一百十八 忠義下

程千里 袁光廷

張興

符令奇 璘

孟華

周曾

曹循 隱林

張介然 崔無諤

許遠 南霽雲 姚閻 雷萬春

龐堅 薛愿

蔡廷玉

劉迺

張仝

張名振

石演芬

吳淑

高沐

賈直言

辛讜

黃碣 孫揆

第一百十九 卓行

元德秀 李學

權皐

甄濟

陽城 何蕃

司空圖

第一百二十 孝友

李知本

張志寬

劉君良

王少玄

任敬臣

支叔才

程袁師

武弘度

宋思禮

鄭潛曜

元讓

裴敬彝

梁文貞

沈季詮

許伯會

陳集原

陸南金

張琇

侯知道

許法慎

俱羅

林攢

陳饒奴

王博武

萬敬儒

章全益

第一百二十一 隱逸

王績

宋桃椎

孫思邈

田游巖 史德義

孟詵

王友貞

王希夷

李元愷

衛大經

武攸緒

白履忠

盧鴻

吳筠

潘師正劉道合
司馬承禎

秦系

張志和

孔述睿 敏行

陸羽

崔翬

陸龜蒙

第一百二十二 循吏

韋仁壽

陳君賓

張允濟 李桐客

李素立 至遠

薛大鼎 克揮

賈敦願 敦實
揚德齡

田仁會 歸道

裴懷古

韋景駿

李惠登

羅珣讓

韋丹 宙

盧弘宣

薛元賞

何易于

第一百二十三 儒學上

徐文遠

陸德明

曹憲

顏師古

相時游秦

孔穎達

歐陽詢

朱子奢

張士衡

賈大隱

張後胤

蓋文達

文懿

谷那律

從政

蕭德言

許叔牙子儒

敬播

劉伯莊秦景通劉訥言

羅道琮

第一百二十四

儒學中

郎餘令

餘慶

徐齊璠

沈伯儀

路敬淳

敬潛

王元感

王紹宗

彭景直

盧察

尹知章

張齊賢

柳沖

馬懷素

殷踐猷

孔若思

第一百二十五

儒學下

褚无量

徐安貞

元行冲

陳貞節

苑敬本

盧履冰

王仲立

康子元 侯行果

趙冬曦 鄭樹說

啖助

韋彤

陳京

暢當

林蘊

韋公肅

許康佐

第一百二十六

文藝上

袁朗 諡利貞

承序 賀德仁 庾抱

蔡允恭

謝偃

崔信明 鄭世翼

劉延祐 藏器知柔

張昌齡

崔行功 欽

杜審言 易簡甫

王勃 勅盧照隣

揚炯

元萬頃 正范履冰

義方 周思賢胡楚賓

第一百二十七

文藝中

李適 韋元直宋之問

劉憲

尹元愷 百章誤

李邕

呂向

王翰 相

蓬遂 成

李白 張旭

王維

鄭虔

蕭頌士

陸據
皇甫冉

蘇源明

第一百二十八

李華

孟浩然

劉太真

邵說

于邵

崔元翰

于公異

李益

盧綸

歐陽詹

李頰

吳融

第一百二十九 方技

李淳風

甄權

袁天綱

客所
金梁鳳

張憬藏
王遠知

許胤宗
張文仲
乙弗弘禮

薛願

明崇儼

尚獻甫

嚴善思

杜生

張果

姜撫

桑道茂

第一百三十 烈女

李德武妻裴淑英

楊慶妻王

房玄齡妻盧

獨孤師仁姆王蘭英

楊三安妻李

樊會仁母敬

衛孝女無忌

鄭義宗妻盧

劉寂妻夏侯碎金

于敏直妻張

楚王靈龜妃上官

楊紹宗妻王

賈孝女

李氏妻王阿足

樊彥琛妻魏

李舍母

汴女李

崔繪妻盧

堅貞節婦李

符鳳妻王英

高叡妻秦

王綝妻韋

盧惟清妻徐

饒俄

竇伯女仲女

盧甫妻李

鄒待徵妻薄

金節婦

高愍女

楊烈婦

賈直言妻董

李孝女妙法

李湍妻

董昌齡母楊

王孝女和子

段居貞妻謝

楊含妻蕭

韋雍妻蕭

衡方厚妻程

鄭孝女

李廷節妻崔

殷保晦妻封絢

竇烈婦

李拯妻盧

山陽女趙

周迪妻

朱延壽妻王

第一百三十一 外戚

獨孤懷恩

武士護

士逸

承嗣

韋溫

王仁皎

守

湯國忠

李條

鄭光

第一百三十二 宦者

楊思勗

高力士

程元振

魚朝恩

竇文場

劉貞亮

吐突承瓘

馬存亮

仇士良

楊復光

第一百三十三 宦者下

李輔國

王守澄

劉克明

田令孜

劉季述

韓全誨

第一百三十四 酷吏

索元禮

來俊臣

來子珣
丘神勣

周興

侯思止

王弘義

郭弘霸

姚紹之

周利貞

王旭

吉溫

羅希奭

崔器

毛若虛

敬羽

第一百三十五

潘鎮魏博

田承嗣

悅
懷諫

緒
緒

季安

史憲誠

何進滔

弘敬
簡

全緯
樂彥禎

韓國中

羅弘信

紹威

第一百三十六

潘鎮鎮冀

李寶臣

惟岳
惟簡

王武俊

士真
承宗

王廷湊

元逵
景崇

紹鼎
鎔

紹懿

第一百三十七

潘鎮盧龍

李懷仙

朱滔

劉怵

濟
總

朱克融

李載義

揚志誠
史元忠

張仲武

直方

張允伸

張公素

李茂勳

可舉

李全忠

匡威
匡籌

劉仁恭

第一百三十八

藩鎮潘青橫海

李正已

納師道

師古

程曰華

懷直懷信權

李全略

同捷

第一百三十九

藩鎮宣武彰義澤潞

劉玄佐

鄧惟恭

吳少誠

少陽

元濟

劉悟

從諫李師晦

稹

李佐之

第一百四十

突厥上

第一百四十下

突厥下

第一百四十一上

吐蕃上

第一百四十一下

吐蕃下

第一百四十二上

回紇上

第一百四十二下

回鶻下

第一百四十三

沙陀

第一百四十四 北狄

契丹 四十三 奚

室韋 四十四 黑水靺鞨

渤海 四十二

第一百四十五 東夷

高麗 四十二上 百濟

新羅 四十二下 日本

流鬼 四十二中

第一百四十六上 西域上

泥婆羅 四十二下 党項

東女 四十三 高昌

吐谷渾 四十四 焉耆

龜茲 四十五 疏勒

于闐 四十六 天竺

摩揭陀 四十七 罽賓

第一百四十六下 西域下

康 四十八 寧遠

大勃律 四十九 吐火羅

謝風 五十 識匿

箇失密 五十一 骨咄

蘇毗

師子

波斯

拂菻

大食

第一百四十七上

南蠻上

第一百四十七中

南蠻中

南詔下

蒙雋詔
遼勝詔

越初詔
施浪詔

浪穹詔

第一百四十七下

南蠻下

環王

盤盤

扶南

真臘

訶陵

投和

瞻博

室利佛逆

名茂

單單

驃

兩爨蠻

南平獠

西原蠻

第一百四十八上

姦臣上

許敬宗

李義府

傅游藝

陳希烈

李林甫

第一百四十八下

姦臣下

盧杞

崔志

崔昭緯

柳璨

蔣玄暉
氏叔琮

張延範
朱友恭

第一百四十九上

叛臣上

僕固懷恩

周智光

梁崇義

李懷光

陳少游

李錡

第一百四十九下

叛臣下

李忠臣

喬琳

高駢

朱玫

王行瑜

陳敬瑄

李巨川

第一百五十上

逆臣上

安陸山

慶緒
孫孝哲

高
尚

史思明

朝義

第一百五十中

逆臣中

李希烈

朱泚

第一百五十下

逆臣下

黃巢

秦宗權

董昌

唐書目錄終

集

秦宗

第一百五十一

李命

木

第一百五十二

文思

文淵

第一百五十三

李

本紀第一

唐書一

隸學兼龍圖閣學士朝散大夫給事中知制誥史館撰判祕閣臣歐陽脩奉勅撰

高祖神堯大聖大光孝皇帝諱淵字叔德姓李氏隴西成紀人也其七世祖暠當晉末據秦涼以自王是為涼武昭王暠生歆歆為沮渠蒙遜所滅歆生重耳魏弘農太守重耳生熙金門鎮將戍于武川因留家焉熙生天賜為幢主佐周代魏有功皆為柱國號八柱國家周閔帝受魏禪虎巴卒乃追錄其功封唐國公諡曰襄襄公生昞襲封唐公隋安州總管柱國大將軍卒諡曰仁仁公生高祖於長安

體有三乳性寬仁襲封唐公隋文帝獨狐皇后高祖之從母也以故文帝與高祖相親愛文帝相用復高祖姓李氏以爲千牛備身事隋譙隴二州刺史大業中歷岐州刺史滎陽樓煩二郡太守召爲殿內少監衛尉少卿煬帝征遼東遣高祖督運糧於懷遠鎮楊玄感將反其兄弟從征遼者皆逃歸高祖先覺以聞煬帝遽班師以高祖爲弘化留守以禦玄感詔關右諸郡兵皆受高祖節度是時隋政荒天下大亂煬帝多以猜忌殺戮大臣嘗以事召高祖高祖遇疾不時謁高祖有甥王氏在後宮煬帝問之王氏對以疾煬帝曰可得死否高祖聞之益懼因縱酒納賂以自晦十一年拜山西河東慰撫大使擊龍門賊毋端兒射七十發皆中賊敗去而斂其尸以築京觀盡得其箭於其尸又擊絳州賊柴保昌降其衆數萬人突厥犯塞高祖與馬邑太守王仁恭擊之隋兵少不敵高祖選精騎二千爲游軍居處飲食隨水草如突厥而射獵馳騁示以閒暇別選善射者伏爲奇兵虜見高祖疑不敢戰高祖乘而擊之突厥敗走十三年拜太原留守擊高陽歷山飛賊甄翟兒于西河破之是時煬帝南遊江都天下盜起高祖子世民知隋必亡陰結豪傑招納亡命與晉陽令劉文靜謀舉大事計已決而高祖未之知欲以情告懼不見聽高祖留守太原

領晉陽宮監而所善客裴寂為副監世民陰與寂謀寂因
 選晉陽宮人私侍高祖高祖過寂飲酒酒酣從容寂具以
 大事告之高祖大驚寂曰正為宮人奉公事發當誅為此
 爾世民因亦入白其事高祖初陽不許欲執世民送官已
 而許之曰吾愛汝豈忍告汝邪然未有以發而所在盜賊
 益多突厥數犯邊高祖兵出無功煬帝遣使者執高祖詣
 江都高祖大懼世民曰事急矣可舉事已而煬帝復馳使
 者赦止高祖其事遂已是時劉武周起馬邑林士弘起豫
 章劉元進起晉安皆稱皇帝朱粲起南陽號楚帝李子通
 起海陵號楚王邵江海據岐州號新平王薛舉起金城號

西秦霸王郭子和起榆林號永樂王竇建德起河間號長
 樂王王須拔起恒定號漫天王汪華起新安杜伏威起淮
 南皆號吳王李密起鞏號魏公王德仁起鄴號太公左才
 相起齊郡號博山公羅藝據幽州左難當據涇馮盎據高
 羅皆號總管梁師都據朔方號大丞相孟海公據曹州號
 錄事周文舉據淮陽號柳葉軍高開道據北平張長慈據
 五原周洮據上洛楊士林據山南徐圓朗據兗州楊仲達
 據豫州張善相據伊汝王要漢據汴州時德叡據尉氏李
 義滿據平陵秦公順據青萊淳于難據文登徐師順據任
 城蔣弘度據東海王薄據齊郡蔣善合據鄆州田留安據

章立張青特據濟北臧君相據海州殷恭遠據舒州周法
明據永安苗海潮據永嘉梅知巖據宣城鄧文進據廣州
俚酋楊世略據循潮冉安昌據巴東甯長真據鬱林其別
號諸盜往往屯聚山澤而劉武周攻汾陽宮高祖乃集將
吏告曰今吾爲留守而賊據離宮縱賊不誅罪當死然出
兵必待報今江都隔遠後期柰何將吏皆曰國家之利可
專者公也高祖曰善乃募兵旬日間得衆一萬副留守虎
賁郎將王威虎牙郎將高君雅見兵大少以有變謀因禱
雨晉祠以圖高祖高祖覺之乃陰爲備于八月甲子高祖及
威君雅視事開陽府司馬劉政會告威君雅反即坐上執

之丙寅突厥犯邊高祖令軍中曰人告威君雅召突厥今
其果然遂殺之以起兵遣劉文靜使突厥約連和六月己
卯傳檄諸郡稱義兵開大將軍府置二軍以子建成爲隴
西公左領軍大都督左軍隸焉世民爲燉煌公右領軍大
都督右軍隸焉元吉爲姑臧公中軍隸焉裴寂爲長史劉
文靜爲司馬石艾縣長殷開山爲椽劉政會爲屬長孫順
德王長諧劉弘基竇琮爲統軍開倉庫賑窮乏七月壬子
高祖杖白旗誓衆於野有兵三萬以元吉爲太原留守癸
丑發太原甲寅遣將張綸徇下離石龍泉文城三郡丙辰
次靈石營於賈胡堡隋虎牙郎將宋老生屯于霍邑以拒

義師丙寅隋鷹揚府司馬李軌起威武號大涼王八月辛巳敗宋老生于霍邑丙戌下臨汾郡辛卯克絳郡癸巳次龍門突厥來助隋驍衛大將軍屈突通守河東絕津梁壬寅馮翊賊孫華土門賊白玄度皆具舟以來逆九月戊午高祖領太尉加置僚佐以少牢祀河乃濟甲子次長春宮丙寅隴西公建成劉文靜屯永豐倉守潼關燉煌公世民自渭北徇三輔從父弟神通起兵于鄠柴氏婦高祖女也亦起兵于司竹皆與世民會郿賊丘師利李仲文盩厔賊何潘仁向善思宜君賊劉昊等皆來降因畧定鄠杜壬申高祖次馮翊乙亥燉煌公世民屯阿城隴西公建成自新

豐趨霸上丙子高祖自下邳以西所經隋行宮苑籞悉罷之出宮女還其家十月辛巳次長樂宮有衆二十萬隋留守衛文昇等奉代王侑守京城高祖遣使諭之不報乃圍城下令曰犯隋七廟及宗室者罪三族丙申隋羅山令蕭銑自號梁公十一月丙辰克京城命主符郎宋公弼收圖籍約法十二條殺人劫盜背軍叛者死癸亥遙尊隋帝爲太上皇立代王爲皇帝大赦改元義寧甲子高祖入京師至朝堂望闕而拜隋帝授高祖假黃鉞使持節大都督內外諸軍事大丞相錄尚書事進封唐王以武德殿爲丞相府下教曰令視事于虔化門十二月癸未隋帝贈唐襄公

唐書紀卷一
五
爲景王仁公爲元王夫人竇氏爲唐國妃謚曰穆以建成
爲唐國世子世民爲唐國內史徙封秦國公元吉爲齊國
公丞相府置長史司錄以下官趙郡公孝恭徇山南甲辰
雲陽令詹俊徇巴蜀二年正月丁未隋帝詔唐王劔履上
殿入朝不趨贊拜不名加前後羽葆鼓吹戊午周洮降戊
辰世子建成爲左元帥秦國公世民爲右元帥徇地東都
二月己卯太常卿鄭元璿定樊鄧使者馬元規徇荆襄三
月己酉齊國公元吉爲太原道行軍元帥乙卯世民徙封
趙國公丙辰隋右屯衛將軍宇文弼及弒太上皇于江都
立秦王浩爲皇帝吳興郡守沈法興據丹陽自稱江南道

總管樂安人盧祖尚據光州自稱刺史戊辰隋帝進唐王
位相國總百揆備九錫唐國置丞相等官立四廟四月己
卯張長孫降辛巳停竹使符班銀菟符五月乙巳隋帝命
唐王寬十有二旒建天子旌旗出警入蹕甲寅王德仁降
戊午隋帝遜于位以刑部尚書蕭造司農少卿裴之隱奉
皇帝璽紱於唐王三讓乃受武德元年五月甲子卽皇帝
位于太極殿命蕭造兼太尉告于南郊大赦改元賜百官
庶人爵一級義師所過給復三年其餘給復一年改郡爲
州太守爲刺史庚午太白晝見隋東都留守元文都及左
武衛大將軍王世充立越王侗爲皇帝六月甲戌趙國公

世民爲尚書令裴寂爲尚書右僕射知政事劉文靜爲納言
隋民部尚書蕭瑀丞相府司錄參軍竇威爲內史令丙子
太白晝見己卯追謚皇高祖曰宣簡公皇曾祖曰懿王皇
祖曰景皇帝廟號世祖祖妣梁氏曰景烈皇后皇考曰元
皇帝廟號世祖妣獨孤氏曰元貞皇后妃竇氏曰穆皇后
庚辰立世子建成爲皇太子封世民爲秦王元吉齊王泰
未薛舉寇涇州秦王世民爲西討元帥劉文靜爲司馬太
僕卿宇文明達招慰山東乙酉奉陪帝爲鄴國公
世時運遷革前代親族莫不夷絕齊數有歸實惟天命其
亡之効豈伊人力前隋蔡士智積等子孫皆選用之蔡已

禁言符瑞者辛丑竇威薨黃門侍郎陳叔達判納言將作
大匠竇抗兼納言七月壬子劉文靜及薛舉戰于涇州敗
績己卯郭子和降庚申廢隋離宮八月壬申劉文靜除名
戊寅約功臣恕死罪辛巳薛舉卒壬午李軌降甲申巖州
刺史王德仁殺招慰使宇文明達以反己丑秦王世民爲
西討元帥以討薛仁果庚子贈隋太常卿高頴上柱國鄴
國公上柱國賀若弼杞國公司隸大夫薛道衡上開府臨
河縣公刑部尚書宇文弼上開府平昌縣公左翊衛將軍
董純柱國狄道公右驍衛將軍李金才上柱國申國公左
光祿大夫李敏柱國觀國公諸遭隋枉殺而子孫被流者

皆還之九月乙巳慮囚始置軍府癸丑改銀莧符爲銅魚符甲寅秦州總管竇軌及薛仁果戰敗績辛未宇文化及殺秦王浩自稱皇帝十月壬申朔日有食之己卯李密降壬午朱粲陷鄧州刺史呂子臧死之乙酉邵江海降己亥盜殺商州刺史泉彥宗辛丑大閱是月竇抗罷十一月竇建德敗王湏拔于幽州須拔亡入于突厥乙巳涼王李軌反戊申禁獻侏儒短節小馬庫牛異獸奇禽者己酉秦王世民敗薛仁果執之癸丑行軍總管趙慈景攻蒲州隋刺史堯君素拒戰執慈景癸亥秦王世民俘薛仁果以獻十二月壬申世民爲太尉丙子蒲州人殺堯君素立其將王行本辛巳鄭元璿及朱粲戰于商州敗之乙酉如周氏陂丁亥至自周氏陂庚子光祿卿李密反伏誅是歲高開道陷漁陽號燕王

二年正月甲子陳叔達兼納言詔自今正月五月九月不行死刑禁屠殺丙寅張善相降己巳楊士林降二月乙酉初定租庸調法令文武官終喪丙戌州置宗師一人甲午赦并浩介石四州賈胡堡以北繫囚閏月竇建德陷邢州執總管陳君賓辛丑竇建德殺宇文化及于聊城朱粲降壬寅皇太子及秦王世民裴寂巡于畿縣乙巳御史大夫段確勞朱粲于菊潭庚戌徵行察風俗乙卯以穀貴禁關

肉屠酤左屯衛將軍何潘仁及山賊張子惠戰于司竹歿
之丁巳慮囚庚申驍騎將軍趙欽王娑羅及山賊戰于蓋
屋歿之丁卯王世充陷殷州陟州刺史李育德歿之三月
甲戌王薄降庚辰蔣弘度徐師順降丁亥竇建德陷趙州
丁酉李義滿降四月綦公順降庚子并州總管齊王元吉
及劉武周戰于榆次敗績辛丑朱粲殺段確以反乙巳王
世充廢越王侗自稱皇帝癸亥陷伊州執總管張善相五
月庚辰涼州將安脩仁執李軌以降癸未曲赦涼甘瓜鄯
肅會蘭河廓九州六月王世充殺越王侗戊戌立周公孔
子廟于國子監庚子竇建德陷滄州丁未劉武周陷介州

癸亥裴寂爲晉州道行軍總管離石胡劉季真陷石州
刺史王儉死之七月壬申徐圓朗降八月丁酉鄴國公麴
甲子竇建德陷洛州執總管袁子幹九月辛未殺戶部尚
書劉文靜李子通自稱皇帝沈法興自稱梁王丁丑杜伏
威降裴寂及劉武周戰于介州敗績右武衛大將軍姜寶
誼死之庚辰竇建德陷相州總管呂珉死之辛巳劉武周
陷并州庚寅太白晝見竇建德陷趙州執總管張志昂乙
未京師地震梁師都寇延州申州刺史梁禮死之十月己
亥羅藝降乙卯如華陰赦募士背軍者壬戌劉武周寇晉
州永安王孝基及工部尚書獨孤懷恩陝州總管于筠內

史侍郎唐儉討之甲子祠華山是月夏縣人呂崇茂反秦王世民討劉武周十一月丙子竇建德陷黎州執淮安王神通總管李世勣十二月丙申獵于華山永安王孝基及劉武周戰于下邳敗績壬子大風拔木三年正月己巳獵于渭濱戊寅王行本降辛巳如蒲州癸巳至自蒲州二月丁酉京師西南地有聲庚子如華陰甲寅獨孤懷恩謀反伏誅辛酉檢校隰州總管劉師善謀反伏誅三月庚午改納言爲侍中內史令爲中書令甲戌中書侍郎封德彝兼中書令乙酉劉季真降四月丙申祠華山壬寅至自華陰癸卯禁關內諸州屠甲寅秦王世民及宋金剛戰于雀鼠

谷敗之辛酉王世充陷鄧州總管雷四郎死之壬戌秦王世民及劉武周戰于洛州敗之武周亡入于突厥克并州五月壬午秦王世民屠夏縣六月丙申赦晉隰潞并四州癸卯詔隋帝及其宗室柩在江都者爲營空之置陵廟以故宮人守之丙午慮囚封子元景爲趙王元昌魯王元亨鄧王已酉出宮女五百人賜東征將士有功者甲寅顯州長史田璿殺行臺尚書令楊士林叛附于王世充乙卯瘞州縣暴風七月壬戌秦王世民討王世充甲戌皇太子屯于蒲州以備突厥丙戌梁師都導突厥稽胡寇邊行臺總管段德操敗之八月庚子慮囚甲寅特德獻降九月癸酉田璿

降巳丑給復陝鼎熊毅四州二年十月戊申高開道降巳酉魏神達降巳未有星隕于東都十二月巳酉瓜州刺史賀若弼行威反

四年正月辛巳皇太子伐稽胡二月竇建德陷曹州執孟海公巳丑車騎將軍董阿興反于隴州伏誅乙巳太常少卿李仲文謀反伏誅丙午慮囚丁巳赦代州總管府石嶺之北二月進封宜都郡王泰為衛王庚申慮囚乙酉竇建德陷管州刺史郭志安死之四月壬寅齊王元吉及王世充戰于東都敗績行軍總管盧君諤死之戊申突厥寇并州執漢陽郡王瓌太常卿鄭元璹左驍騎衛大將軍長孫

順德甲寅封子元方為周王元禮鄭王元嘉宋王元則荆王元茂越王元巳左武衛將軍王君廓敗張青特執之五月壬戌秦王世民敗竇建德于虎牢執之乙丑赦山東為建德所誑者戊辰王世充降庚午周法明降六月庚寅赦河南為王世充所誑者戊戌蔣善合降庚子營州人石世則執其總管晉文衍叛附于靺鞨乙卯臧君相降七月甲子秦王世民俘王世充以獻丙寅竇建德伏誅丁卯大赦給復天下一年陝鼎函虢虞芮豳七州二年甲戌劉黑闥反于貝州辛巳戴州刺史孟敏鬼反伏誅八月丙戌朔日有食之丁亥皇太子安撫北境下酉劉黑闥陷鄒縣

魏州刺史權威貝州刺史戴元祥死之癸卯突厥寇代州
執行軍總管王孝基丁未劉黑闥陷歷亭屯衛將軍王行
敏死之辛亥深州人崔元遜殺其刺史裴晞叛附于劉黑
闥兗州總管徐圓朗反九月盧祖尚降乙卯淳于難降甲
子汪華降是秋夔州總管趙郡王孝恭率十二總管兵以
討蕭銑十月己丑秦王世民爲天策上將領司徒齊王元
吉爲司空庚寅劉黑闥陷瀛州執刺史盧士叡又陷觀州
癸卯毛州人董燈明殺其刺史趙元愷乙巳趙郡王孝恭
敗蕭銑于荊州執之閏月乙卯如稷州己未幸舊墅壬戌
獵于好畤乙丑獵于九變丁卯獵于仲山戊辰獵于清水

州人王幹殺賀拔行威以降乙巳賜荊州今歲田租六月
辛亥劉黑闥與突厥寇山東車騎將軍元韶爲瓜州道行
軍總管以備突厥癸丑吐谷渾寇洮岷三州岷州總管
李長卿敗之乙卯淮安郡王神通討徐圓朗七月甲申作
弘義宮甲午淮陽郡王道玄爲河北道行軍總管討劉黑
闥貝州人董該以定州叛附于黑闥丙申突厥殺劉武周
于白道遷州人鄧士政反執其刺史李敬昂丁酉馮盎降
八月辛亥葬隋煬帝甲寅吐谷渾寇岷州益州道行臺左
僕射竇軌敗之乙卯突厥寇邊庚申皇太子出豳州道秦
王世民出秦州道以禦突厥己巳吐谷渾陷洮州并州總

管襄邑郡王神符及突厥戰于汾東敗之戊寅突厥陷大震關九月癸巳靈州總管楊師道敗之于三觀山丙申洪州總管宇文歆又敗之于崇岡壬寅定州總管雙士洛驃騎將軍魏道仁又敗之于恒山之陽丙午領軍將軍安興貴又敗之于甘州劉黑闥陷瀛州刺史馬匡武死之東鹽州人馬君德以其州叛附于黑闥十月巳酉齊王元吉討黑闥癸丑貝州刺史許善護及黑闥戰于郟縣死之甲寅觀州刺史劉君會叛附于黑闥乙丑淮陽郡王道玄及黑闥戰于下博死之巳巳林士弘降十一月庚辰劉黑闥陷滄州甲申皇太子討黑闥丙申如宣州癸卯獵于富平北

州人王幹殺賀拔行威以降乙巳賜荊州今歲田租六月辛亥劉黑闥與突厥寇山東車騎將軍元韶爲瓜州道行軍總管以備突厥癸丑吐谷渾寇洮旭疊三州岷州總管李長卿敗之乙卯淮安郡王神通討徐圓朗七月甲申作弘義宮甲午淮陽郡王道玄爲河北道行軍總管討劉黑闥貝州人董該以定州叛附于黑闥丙申突厥殺劉武周于白道遷州人鄧士政反執其刺史李敬昂丁酉馮盎降八月辛亥葬隋煬帝甲寅吐谷渾寇岷州益州道行臺左僕射竇軌敗之乙卯突厥寇邊庚申皇太子出豳州道秦王世民出秦州道以禦突厥巳巳吐谷渾陷洮州并州總

管襄邑郡王神符及突厥戰于汾東敗之戊寅突厥陷大
震關九月癸巳靈州總管楊師道敗之于三觀山丙申洪
州總管宇文歆又敗之于崇岡壬寅定州總管雙士洛驃
騎將軍魏道仁又敗之于恒山之陽丙午領軍將軍安興
貴又敗之于甘州劉黑闥陷瀛州刺史馬匡武死之東鹽
州人馬君德以其州叛附于黑闥十月巳酉齊王元吉討
黑闥癸丑貝州刺史許善護及黑闥戰于鄒縣死之甲寅
觀州刺史劉君會叛附于黑闥乙丑淮陽郡王道玄及黑
闥戰于下博死之巳巳林士弘降十一月庚辰劉黑闥陷
滄州甲申皇太子討黑闥丙申如宜州癸卯獵于富平北
原十二月丙辰獵于萬壽原戊午劉黑闥陷恒州刺史王
公政死之庚申至白萬壽原壬申皇太子及劉黑闥戰于
魏州敗之甲戌又敗之于毛州

六年正月巳卯黑闥將葛德威執黑闥以降壬午雋州人
王摩娑反驃騎將軍衛彥討之庚寅徐圓朗陷泗州二月
劉黑闥伏誅庚戌幸温湯壬子獵于驪山甲寅至自温湯
丙寅行軍總管李世勣敗徐圓朗執之三月苗海潮梅知
巖左難當降乙巳洪州總管張善安反四月乙酉吐蕃陷
芳州巳未以故第爲通義宮祭元皇帝元貞皇后于舊寢
赦京城賜從官帛辛酉張善安陷孫州執總管王戎丁卯

南州刺史龐孝恭反陷南越州壬申封子元壽爲蜀王元慶漢王癸酉裴寂爲尚書右僕射蕭瑀爲右僕射封德彝爲中書令吏部尚書楊恭仁兼中書令檢校涼州諸軍事五月庚寅吐谷渾党項寇河州刺史盧士良敗之癸卯高開道以奚寇幽州長史王說敗之六月丁卯突厥寇朔州總管高滿政敗之曲赦朔州七月丙子沙州別駕竇伏明反殺其總管賀若懷廓己亥皇太子屯于北邊秦王世民屯于并州以備突厥八月壬子淮南道行臺左僕射輔公祏反乙丑趙郡王孝恭討之九月壬辰秦王世民爲江州道行軍元帥丙申渝州人張大智反十月丙午殺廣州都

督劉世讓戊申降死罪流以下原之己未如華陰張大智降庚申獵于白鹿原壬戌右虞候率杜士遠殺高滿政以朔州反丁卯突厥請和十一月壬午張善安襲殺黃州總管周法明丁亥如華陰辛卯獵于沙苑丁酉獵于伏龍原十二月壬寅朔日有食之癸卯張善安降庚戌以奉義監爲龍躍宮武功宅爲慶善宮甲寅至自華陰

七年正月庚寅鄒州人鄧同穎殺其刺史李士衡二月丁巳釋奠于國學己未漁陽部將張金樹殺高開道以降三月戊戌趙郡王孝恭敗輔公祏執之己亥孝恭殺越州都督闕稜四月庚子大赦班新律令給復江州道二年揚越

一年五月丙戌作仁智宮六月辛丑如仁智宮壬戌慶州都督楊文幹反七月己巳突厥寇朔州總管秦武通敗之癸酉慶州人殺楊文幹以降甲午至自仁智宮雋州地震山崩遏江水閏月己未秦王世民齊王元吉屯于豳州以備突厥八月己巳吐谷渾寇鄯州驃騎將軍彭武傑死之戊寅突厥寇綏州刺史劉大俱敗之壬辰突厥請和丁酉裴寂使于突厥十月丁卯如慶善宮辛未獵于鄠南癸酉幸終南山丙子謁樓觀老子祠庚寅獵于圍州十二月丁卯如龍躍宮戊辰獵于高陵庚午至自高陵太子詹事裴

矩檢校侍中

八年二月癸未慮囚四月甲申如鄠獵于甘谷作太和宮丙戌至自鄠六月甲子如太和宮七月丙午至自太和宮丁巳秦王世民屯于蒲州以備突厥八月壬申并州行軍總管張瑾及突厥戰于太谷敗績鄆州都督張德政死之執行軍長史溫彥博甲申任城郡王道宗及突厥戰于靈州敗之丁亥突厥請和十月辛巳如周氏陂獵于北原壬午如龍躍宮十一月辛卯如宜州獵于西原裴矩罷庚子講武于同官天策府司馬宇文士及權檢校侍中辛丑徙封元壽為吳王元慶陳王癸卯秦王世民為中書令齊王元吉為侍中癸丑獵于華池北原十二月辛酉至自華池

庚辰獵于鳴犢泉辛巳至自鳴犢泉

九年正月甲寅裴寂爲司空二月庚申齊王元吉爲司徒
壬午有星孛于胃昴丁亥孛于卷舌三月庚寅幸昆明池
習水戰壬辰至自昆明池丙午如周氏陂乙卯至自周氏
陂丁巳突厥寇涼州都督長樂郡王幼良敗之四月辛巳
廢浮屠老子法六月丁巳太白經天庚申秦王世民殺白
太子建成齊王元吉大赦復浮屠老子法癸亥立秦王世
民爲皇太子聽政賜爲父後者襲勳爵赤牒官得爲直免
民逋租宿賦巳卯太白晝見庚辰幽州都督盧江郡王瑗
反伏誅癸未赦幽州管內爲瑗所誣誤者七月辛卯楊恭

仁罷太子右庶子高士廉爲侍中左庶子房玄齡爲中書
令蕭瑀爲尚書左僕射癸巳宇文士及爲中書令封德彝
爲尚書左僕射辛巳太白晝見甲寅太白晝見八月丙辰
突厥請和丁巳太白晝見壬戌吐谷渾請和甲子皇太子
卽皇帝位貞觀三年太上皇徙居大安宮九年五月崩于
垂拱前殿年七十一謚曰大武廟號高祖上元元年改謚
神堯皇帝天寶八載謚神堯大聖皇帝十三載增謚神堯
大聖大光孝皇帝

大聖大光孝皇帝

開興周之興異矣而蓋亦缺於亭身時

贊曰自古受命之君非有德不王自夏后氏以來始傳以
世而有賢有不肖故其爲世數亦或短或長論者乃謂周

自后稷至於文武積功累仁其來也遠故其爲世尤長然考於世本夏商周皆出於黃帝夏自鯀以前商自契至於成湯其間寂寥無聞與周之興異矣而漢亦起於亭長叛亡之徒及其興也有天下皆數百年而後已由是言之天命豈易知哉然考其終始治亂顧其功德有厚薄與其制度紀綱所以維持者何如而其後世或寢以隆昌或遽以壞亂或漸以陵遲或能振而復起或遂至於不可支持雖各因其勢然有德則興無德則絕豈非所謂天命者常不顯其符而俾有國者兢兢以自勉耶唐在周隋之際世雖貴矣然烏有所謂積功累仁之漸而高祖之興亦何異因時而特起者歟雖其有治有亂或絕或微然其有天下年幾三百可謂盛哉豈非人歟隋亂而蒙德澤繼以太宗之治制度紀綱之法後世有以憑藉扶持而能求其天命歟

本紀第二

唐書二

歐陽脩奉

勅撰

太宗文武大聖大廣孝皇帝諱世民高祖次子也母曰太
穆皇后竇氏生而不驚方四歲有書生謁高祖曰公在相
法貴人也然必有貴子及見太宗曰龍鳳之姿天日之表
其年幾冠必能濟世安民書生已辭去高祖懼其語泄使
人追殺之而不知其所往因以爲神乃採其語名之曰世
民大業中突厥圍煬帝鴈門煬帝從圍中以木繫詔書投
汾水而下募兵赴援太宗時年十六往應募隸將軍雲定
興謂定興曰虜敢圍吾天子者以爲無援故也今宜先後

吾軍爲數十里使其晝見旌旗夜聞鉦鼓以爲大至則可不擊而走之不然知我虛實則勝敗未可知也定興從之軍至崞縣突厥候騎見其軍來不絕果馳告始畢可汗曰救兵大至矣遂引去高祖擊歷山飛陷其圍中太宗馳輕騎取之而出遂奮擊大破之太宗爲人聰明英武有大志而能屈節下士時天下已亂流賊起知隋必亡乃推財養士結納豪傑長孫順德劉弘基等皆因事亡命匿之又與晉陽令劉文靜尤善文靜坐李密事繫獄太宗夜就獄中見之與圖大事時百姓避賊多入城城中幾萬人文靜爲令久知其豪傑因共部署計已定乃因裴寂告高祖高祖

初不許已而許之高祖已起兵建大將軍府太宗率兵徇西河斬其郡丞高德儒拜右領軍大都督封燉煌郡公唐兵西將至霍邑會大久雨糧且盡高祖謀欲還兵太原太宗諫曰義師爲天下起也宜直入咸陽號令天下今還守一城是爲賊爾高祖不納太宗哭于軍門高祖驚召問之對曰還則數散於前而敵乘於後死亡須臾所以悲爾高祖寤曰起事者汝也成敗惟汝時左軍已先返即與隴西公建成分追之夜半太宗失道入山谷棄其馬步而及其兵與俱還高祖乃將而前遲明至霍邑宋老生不出太宗從數騎傳其城舉鞭指麾若將圍之者老生怒出背城陣

高祖率建成居其東太宗及柴紹居其南老生兵薄東陣
建成墜馬老生乘之高祖軍却太宗自南原馳下坂分兵
斷其軍爲二而出其陣後老生兵敗走遂斬之進次涇陽
擊胡賊劉鷄子破之唐兵攻長安太宗屯金城坊攻其西
比遂克之義寧元年爲光祿大夫唐國內史徙封秦國公
食邑萬戶薛舉攻扶風太宗擊敗之斬首萬餘級遂略地
至隴右二年爲右元帥徙封趙國公率兵十萬攻東都不
克而還設三伏于三王陵敗隋將段達兵萬人武德元年
爲尚書令右翊衛大將軍進對秦王薛舉寇涇州太宗爲
西討元帥進位雍州牧七月太宗有疾諸將爲舉所敗八

月太宗疾間復屯于高爐城相持六十餘日已而舉死其
子仁杲率其衆求戰太宗按軍不動久之仁杲糧盡衆稍
離叛太宗曰可矣乃遣行軍總管梁實柵淺水原仁杲將
宗羅睺擊實太宗遣將軍龐玉救實玉軍幾敗太宗率兵
出其後羅睺敗走太宗追之至其城下仁杲乃出降師還
高祖遣李密馳傳勞之于豳州密見太宗不敢仰視退而
歎曰真英主也獻捷太廟拜右武侯大將軍太尉使持節
陝東道大行臺尚書令詔蒲陝河北諸總管兵皆受其節
度二年正月鎮長春宮進拜左武侯大將軍涼州總管是
時劉武周據并州宋金剛陷滄州王行本據蒲州而夏縣

人呂崇茂殺縣令以應武周高祖懼詔諸將棄河東以守
關中太宗以爲不可棄願得兵三萬可以破賊高祖於是
悉發關中兵益之十一月出龍門關屯于柏壁三年四月
擊敗宋金剛于柏壁金剛走介州太宗追之一日夜馳二
百里宿于雀鼠谷之西原軍士皆飢太宗不食者二日行
至涪州乃得食而金剛將尉遲敬德尋相等皆來降劉武
周懼奔于突厥其將楊伏念舉并州降高祖遣蕭瑀郎軍
中拜太宗益州道行臺尚書令七月討王世充敗之于北
邲四年二月竇建德率兵十萬以援世充太宗敗建德于
虎牢執之世充乃降六月凱旋太宗被金甲陳鐵騎一萬

介士三萬前後鼓吹獻俘于太廟高祖以謂太宗功高古
官號不足以稱乃加號天策上將領司徒陝東道大行臺
尚書令位在王公上增邑戶至三萬賜袞冕金輅雙壁黃
金六千斤前後鼓吹九部之樂班劍四十人五年正月討
劉黑闥於洛州敗之黑闥既降已而復反高祖怒命太子
建成取山東男子十五以上悉阮之毆其小弱婦女以實
關中太宗切諫以爲不可遂已加拜左右十二衛大將軍
七年突厥寇邊太宗與遇于幽州從百騎與其可汗語乃
盟而去八年進位中書令初高祖起太原非其本意而事
出太宗及取天下破宋金剛王世充竇建德等太宗功益

唐書紀卷二
四
高而高祖屢許以爲太子太子建成懼廢與齊王元吉謀害太宗未發九年六月太宗以兵入玄武門殺太子建成及齊王元吉高祖大驚乃以太宗爲皇太子八月甲子卽皇帝位于東宮顯德殿遣裴寂告于南郊大赦武德流人還之賜文武官勲爵免關內及蒲芮虞秦陝鼎六州二歲租給復天下二年民八十以上賜粟帛百歲加版授廢潼關以東瀕河諸關癸酉放宮女三千餘人丙子立妃長孫氏爲皇后癸未突厥寇便橋乙酉及突厥頡利盟于便橋九月壬子禁私家妖神淫祀占卜非龜易五兆者十月丙辰朔日有食之癸亥立中山郡王承乾爲皇太子庚辰蕭

瑀陳叔達罷十一月庚寅降宗室郡王非有功者爵爲縣公十二月癸酉慮囚是歲進封子長沙郡王恪爲漢王宜陽郡王祐楚王

貞觀元年正月乙酉改元辛丑燕郡王李藝反于涇州伏誅二月丁巳詔民男二十女十五以上無夫家者州縣以禮聘娶貧不能自行者鄉里富人及親戚資送之鰥夫六十寡婦五十婦人有子若守節者勿彊三月癸巳皇后親蠶丙午詔齊僕射崔季舒黃門侍郎郭遵尚書右丞封孝琰以極言蒙難季舒子剛遵子雲孝琰子君遵並及淫刑宜免內侍褻叙以官閏月癸丑朔日有食之四月癸巳涼

州都督長樂郡王幼良有罪伏誅五月癸丑敕中書令侍
中朝堂受訟辭有陳事者悉上封六月辛丑封德彝薨甲
辰太子少師蕭瑀為尚書左僕射是夏山東旱免今歲租
七月壬子吏部尚書長孫無忌為尚書右僕射八月河南
隴右邊州霜宇文士及檢校涼州都督戊戌貶高士廉為
安州大都督九月庚戌朔日有食之辛酉遣使詣州行鎮
四服明戶御史大夫杜淹檢校吏部尚書參議朝政宇
文上及罷之未幽州都督王君廓奔于突厥十月丁酉以
歲餘減膳十一月己未許子弟年十九以下隨父兄之室
所十二月壬二蕭子龍八中利山都督李孝義右武衛

軍劉德裕謀反伏誅

二年正月辛亥長孫元志罷兵部尚書杜如晦檢校侍中
總監東宮兵馬事癸丑吐谷渾寇岷州都督李道彥敗之
丁巳徙封恪為蜀王泰越王祐燕王庚午刑部尚書李靖
檢校中書令二月戊戌外官上考者給祿三月戊申朔日
有食之壬子命中書門下五品以上及尚書議決死罪壬
戌李靖為關內道行軍大總管以備薛延陀已巳遣使巡
關內出金寶贖饑民鬻子者還之庚午以旱蝗責躬大赦
癸酉兩四月己卯瘞隋人暴骸壬寅朔方人梁洛仁殺梁
師都以降六月甲申詔出使官稟食其家庚寅以子治生

賜是日生子者粟辛卯辰州刺史裴虔通以弑隋煬帝削
爵流驩州七月戊申萊州刺史牛方裕絳州刺史薛世良
廣州長史唐奉義虎牙郎將高元禮以字文化及之黨皆
除名徙于邊八月甲戌省冤獄于朝堂辛丑立二王後廟
置國官九月壬子以有年賜酺三日十月庚辰杜淹薨戊
子殺瀛州刺史盧祖尚十一月辛酉有事于南郊十二月
壬辰黃門侍郎王珪守侍中癸巳禁五品以上過市
三年正月丙午以旱避正殿癸丑官得上下考者給祿一
年戊午享于太廟癸亥耕藉田辛未裴寂罷二月戊寅房
玄齡爲尚書左僕射杜如晦爲右僕射尚書右丞魏徵爲

祕書監參預朝政三月巳酉慮囚四月乙亥太上皇徙居
于大安宮甲午始御太極殿戊戌賜孝義之家粟五斛八
十以上二斛九十以上三斛百歲加絹二匹婦人正月以
來產子者粟一斛五月乙丑周王元方薨六月戊寅以旱
慮囚巳卯大風拔木壬午詔文武官言事八月巳巳朔日
有食之丁亥李靖爲定襄道行軍大總管以伐突厥九月
丁巳華州刺史柴紹爲勝州道行軍總管以伐突厥十一
月庚申并州都督李世勣爲通漠道行軍總管華州刺史
柴紹爲金河道行軍總管任城郡王道宗爲大同道行軍
總管幽州都督衛孝節爲恒安道行軍總管營州都督薛

萬淑爲暢武道行軍總管以伐突厥十二月癸未杜如晦
罷閏月癸丑爲死兵者立浮屠祠辛酉慮囚是歲中國人
歸自塞外及開四夷爲州縣者百二十餘萬人

四年正月丁卯朔日有食之癸巳武德殿北院火二月巳
亥幸溫湯甲辰李靖及突厥戰于陰山敗之丙午至自溫
湯甲寅大赦賜酺五日御史大夫溫彥博爲中書令王珪
爲侍中民部尚書戴胄檢校吏部尚書參豫朝政太常卿
蕭瑀爲御史大夫與宰臣參議朝政丁巳以旱詔公卿言
事三月甲午李靖俘突厥頡利可汗以獻四月戊戌西北
君長請上號爲天可汗六月乙卯發卒治洛陽宮七月甲

子朔日有食之癸酉蕭瑀罷甲戌太上皇不豫廢朝辛卯
疾愈賜都督刺史文武官及民年八十以上孝子表門閭
者有差八月甲寅李靖爲尚書右僕射九月庚午瘞長城
南隋人暴骨巳卯如隴州壬午禁芻牧于古明君賢臣烈
士之墓者十月壬辰赦岐隴二州免今歲租賦降咸陽始
平武功死罪以下辛卯獵于貴泉谷甲辰獵于魚龍川獻
獲于大安宮乙卯免武功今歲租賦十一月壬戌右衛大
將軍侯君集爲兵部尚書參議朝政甲子至自隴州戊寅
除鞭背刑十二月甲辰獵于鹿苑乙巳至自鹿苑是歲天
下斷死罪者二十九人

五年正月癸酉獵于昆明池丙子至自昆明池獻獲于太
安宮二月己酉封弟元裕爲鄧王元名譙王靈夔魏王元
祥許王元曉密王庚戌封子愔爲梁王貞漢王暉郟王治
晉王慎申王囂江王簡代王四月壬辰代王簡薨五月乙
丑以金帛購隋人没于突厥者以還其家八月甲辰遣使
高麗祭隋人戰亡者戊申殺大理丞張蘊古十一月丙子
有事于南郊十二月丁亥詔決死刑京師五覆奏諸州三
覆奏其日尚食毋進酒肉壬寅幸溫湯癸卯獵于驪山賜
新豐高年帛戊申至自溫湯癸丑赦關內

六年正月乙卯朔日有食之癸酉靜州山獠反右武衛將

軍李子和敗之三月侯君集罷戊辰如九成宮丁丑降雍
岐豳三州死罪以下賜民八十以上粟帛五月魏徵檢校
侍中六月己亥鄴王元亨薨辛亥江王賢薨七月己巳詔
天下行鄉飲酒九月己酉幸慶善宮十月侯君集起復乙
卯至自慶善宮十二月辛未慮囚縱死罪者歸其家是歲
諸羌內屬者三十萬人

七年正月戊子斥宇文化及黨人之子孫勿齒辛丑賜京
城酺三日二月丁卯兩土三日戊子王珪罷庚寅魏徵爲
侍中五月癸未如九成宮六月辛亥戴胄薨八月辛未東
西洞獠寇邊右屯衛大將軍張士貴爲夔州道行軍總管

以討之九月縱囚來歸皆赦之十月庚申至自九成宮乙丑京師地震十一月壬辰開府儀同三司長孫无忌爲司空十二月甲寅幸芙蓉園丙辰獵于少陵原戊午至自少陵原

八年正月辛丑張士貴及獠戰敗之壬寅遣使循省天下二月乙巳皇太子加元服丙午降死罪以下賜五品以上子爲父後者爵一級民酺三日三月庚辰如九成宮五月辛未朔日有食之是夏吐谷渾寇涼州左驍衛大將軍段志玄爲西海道行軍總管左驍衛將軍樊興爲赤水道行軍總管以伐之七月隴右山崩八月甲子有星孛于虛危

十月作永安宮甲子至自九成宮十一月辛未李靖罷巳丑吐谷渾寇涼州執行人鴻臚丞趙德楷十二月辛丑特進李靖爲西海道行軍大總管侯君集爲積石道行軍總管任城郡王道宗爲鄯善道行軍總管膠東郡公道彥爲赤水道行軍總管涼州都督李大亮爲且末道行軍總管利州刺史高甌生爲鹽澤道行軍總管以伐吐谷渾丁卯從太上皇閱武于城西

九年正月党項羌叛二月長孫无忌罷三月庚辰洮州羌殺刺史孔長秀附于吐谷渾壬午大赦乙酉高甌生及羌人戰敗之閏四月丙寅朔日有食之五月長孫无忌起復

庚子太上皇崩皇太子聽政壬子李靖及吐谷渾戰敗之
七月庚子鹽澤道行軍副總管劉德敏及羌人戰敗之十
月庚寅葬太武皇帝于獻陵十一月壬戌特進蕭瑀參豫
朝政

十年正月甲午復聽政癸丑徙封元景爲荆王元昌漢王
元禮徐王元嘉韓王元則彭王元懿鄭王元軌霍王元鳳
號王元慶道王靈夔燕王恪吳王泰魏王祐齊王愔蜀王
暉蔣王貞越王慎紀王三月癸丑出諸王爲都督六月壬
申溫彥博爲尚書右僕射太常卿楊師道爲侍中魏徵罷
爲特進知門下省事參議朝章國典己卯皇后崩十一日

庚寅葬文德皇后于昭陵十二月蕭瑀罷庚辰惠囚

十一年正月丁亥徙封元裕爲鄧王元名舒王庚子作飛
仙宮乙卯免雍州今歲租賦二月丁巳營九峻山爲陵賜
功臣密戚陪塋地及秘器甲子如洛陽宮乙丑給民百歲
以上侍五人壬午獵于鹿臺嶺三月丙戌朔日有食之癸
卯降洛州囚見徒免一歲租調辛亥獵于廣成澤癸丑如
洛陽宮六月甲寅溫彥博薨丁巳幸明德宮己未以諸王
爲世封刺史戊辰以功臣爲世封刺史己巳徙封元祥爲
江王七月癸未大雨水穀洛溢乙未詔百官言事壬寅廢
明德宮之玄圃院賜遭水家丙午給亳州老子廟交州孔

子廟戶各二十以奉享復涼武昭王近墓戶二十以守衛
九月丁亥河溢壞陝州河北縣毀河陽中潭幸白司馬坂
觀之賜瀕河遭水家粟帛十月癸丑賜先朝謀臣武將及
親戚亡者塋陪獻陵十一月辛卯如懷州乙未獵于濟源
麥山丙午如洛陽宮

十二年正月乙未叢州地震癸卯松州地震二月癸亥如
河北縣觀底柱甲子巫州獠反夔州都督齊善行敗之乙
丑如陝州丁卯觀鹽池庚午如蒲州甲戌如長春宮免朝
邑今歲租賦降囚罪乙亥獵于河濱閏月庚辰朔日有食
之丙戌至自長春宮七月癸酉吏部尚書高士廉爲尚書

右僕射八月壬寅吐蕃寇松州侯君集爲當彌道行軍大
總管率三總管兵以伐之九月辛亥濶水道行軍總管牛
進達及吐蕃戰于松州敗之十月己卯獵于始平賜高年
粟帛乙未至自始平鈞州山獠反桂州都督張寶德敗之
十一月己巳明州山獠反交州都督李道彥敗之十二月
辛巳壁州山獠反右武侯將軍上官懷仁討之是歲滁豪
二州野蠶成繭

十三年正月乙巳拜獻陵赦三原及行從免縣人今歲租
賦賜宿衛陵邑郎將三原令爵一級丁未至自獻陵二月
庚子停世封刺史三月乙丑有星孛于畢昴四月戊寅如

九成宮甲申中郎將阿史那結社率反伏誅壬寅雲陽石
然五月甲寅以旱避正殿詔五品以上言事減膳罷役理
囚賑乏乃雨六月丙申封弟元嬰爲滕王八月辛未朔日
有食之十月甲申至自九成宮十一月辛亥楊師道爲中
書令戊辰尚書左丞劉洎爲黃門侍郎參知政事十二月
壬申侯君集爲交河道行軍大總管以代高昌乙亥封子
福爲趙王壬辰獵于咸陽癸巳至自咸陽是歲滁州野蠶
成繭

十四年正月庚子有司讀時令甲寅幸魏王泰第赦雍州
長安縣免延康里今歲租賦二月丁丑觀釋奠于國學赦

大理萬年縣賜學官高第生帛壬午幸溫湯辛卯至自溫
湯乙未求梁皇侶褚仲都周熊安生沈重陳沈文阿周弘
正張譏隋何妥劉焯劉炫之後三月羅賓二州獠反廣州
總管党仁弘敗之五月壬寅徙封靈夔爲魯王六月滁州
野蠶成繭乙酉大風拔木八月庚午作襄城宮癸酉侯君
集克高昌九月癸卯赦高昌部及士卒父子犯死碁犯流
大功犯徒小功總麻犯杖皆原之閏十月乙未如同州甲
辰獵于堯山庚戌至自同州十一月甲子有事于南郊十
二月丁酉侯君集俘高昌王以獻賜酺三日癸卯獵于樊
川乙巳至自樊川

十五年正月辛巳如洛陽宮次溫湯衛士崔卿刁文懿謀反伏誅三月戊辰如襄城宮四月辛卯詔以來歲二月有事于泰山乙未免洛州今歲租還戶故給復者加給一年賜民八十以上物惇獨鰥寡疾病不能自存者米二斛慮囚六月巳酉有星孛于太微丙辰停封泰山避正殿減膳七月丙寅宥周隋名臣及忠烈子孫貞觀以後流配者十月辛卯獵于伊闕壬辰如洛陽宮十一月癸酉薛延陀寇邊兵部尚書李世勣爲朔州道行軍總管右衛大將軍李大亮爲靈州道行軍總管涼州都督李襲譽爲涼州道行軍總管以伐之十二月戊子至自洛陽宮庚子命三品以

上嫡子事東宮辛丑慮囚甲辰李世勣及薛延陀戰于諾真水敗之乙巳贈戰亡將士官三轉

十六年正月乙丑遣使安撫西州戊辰募戍西州者前犯流死亡匿聽自首以應募辛未徙天下死罪囚實西州中書舍人岑文本爲中書侍郎專典機密六月戊戌太白晝見七月戊午長孫无忌爲司徒房玄齡爲司空十一月丙辰獵于武功壬戌獵于岐山之陽甲子賜所過六縣高年孤疾糴衾粟帛遂幸慶善宮庚午至自慶善宮十二月癸卯幸溫湯甲辰獵于驪山乙巳至自溫湯

十七年正月戊辰魏徵薨伐州都督劉蘭謀反伏誅二月

已亥慮囚戊申圖功臣于凌烟閣三月壬子禁送終違令
式者丙辰齊王祐反李世勣討之甲子以旱遣使覆囚決
獄乙丑齊王祐伏誅給復齊州一年四月乙酉廢皇太子
爲庶人漢王元昌侯君集等伏誅丙戌立晉王治爲皇太
子大赦賜文武官及五品以上子爲父後者爵一級民八
十以上粟帛酺三日丁亥楊師道罷己丑特進蕭瑀爲太
子太保李世勣爲太子詹事同中書門下三品庚寅謝承
乾之過于太廟癸巳降封魏王泰爲東萊郡王六月己卯
朔日有食之壬辰葬隋恭帝甲午以旱避正殿減膳詔京
官五品以上言事丁酉高士廉同中書門下三品平章政

事閏月丁巳詔皇太子典左右屯營兵丙子徙封泰爲順
陽郡王七月丁酉房玄齡罷八月庚戌工部尚書張亮爲
刑部尚書參預朝政十月丁未建諸州邸于京城丁巳房
玄齡起復十一月己卯有事于南郊壬午賜酺三日以涼
州獲瑞石赦涼州十一月庚申幸溫湯庚午至自溫湯
十八年正月乙未如鍾官城庚子如鄠壬寅幸溫湯二月
己酉如零口乙卯至自零口丁巳給復突厥高昌部人隸
諸州者二年四月辛亥如九成宮七月甲午營州都督張
儉率幽營兵及契丹奚以伐高麗八月壬子安西都護郭
孝恪爲西州道行軍總管以伐焉耆甲子至自九成宮丁

卯劉洎爲侍中岑文本爲中書令中書侍郎馬周守中書
令九月黃門侍郎褚遂良參豫朝政辛卯郭孝恪及馮者
戰敗之十月辛丑朔日有食之癸卯宴雍州父老于上林
苑賜粟帛甲寅如洛陽宮己巳獵于天池十一月戊寅慮
囚庚辰遣使巡問鄭汝懷澤四州高年宴賜之甲午張亮
爲平壤道行軍大總管李世勣馬周爲遼東道行軍大總
管率十六總管兵以伐高麗十二月壬寅庶人承乾卒戊
午李思摩部落叛

十九年二月庚戌如洛陽宮以伐高麗癸丑射虎于武德
北山乙卯皇太子監國于定州丁巳賜所過高年鰥寡粟

帛贈比干太師謚忠烈三月壬辰長孫無忌攝侍中吏部
尚書楊師道攝中書令四月癸卯誓師于幽州大饗軍丁
未岑文本薨癸亥李世勣克蓋牟城五月己巳平壤道行
軍總管程名振克沙卑城庚午次遼澤瘞隋人戰亡者乙
亥遼東道行軍總管張君乂有罪伏誅丁丑軍至馬首山
甲申克遼東城六月丁酉克白巖城己未大敗高麗于安
市城東南山左武衛將軍王君愕死之辛酉賜酺三日七
月壬申葬死事官加爵四級以一子襲九月癸未班師十
月丙午次營州以太牢祭死事者丙辰皇太子迎謁于臨
渝關戊午次漢武臺刻石紀功十一月癸酉大饗軍于幽

州庚辰次易州癸未平壤道行軍總管張文幹有罪伏誅
丙戌次定州丁亥貶楊師道爲工部尚書十二月戊申次
并州己未薛延陀寇夏州左領軍大將軍執失思力敗之
庚申殺劉洎

二十年正月辛未夏州都督喬師望及薛延陀戰敗之丁
丑遣使二十二人以六條黜陟于天下庚辰赦并州起義
時編戶給復三年後附者一年二月甲午從伐高麗無功
者皆賜勲一轉庚申賜所過高年鰥寡粟三月己巳至自
高麗庚午不豫皇太子聽政己丑張亮謀反伏誅閏月癸
巳朔日有食之六月乙亥江夏郡王道宗李世勣伐薛延

陀七月辛亥疾愈李世勣及薛延陀戰敗之八月甲子封
孫忠爲陳王己巳如靈州庚辰次涇州賜高年鰥寡粟帛
丙戌踰隴山關次瓦亭觀馬牧丁亥許陪陵者子孫從葬
九月辛卯遣使巡察嶺南甲辰鐵勒諸部請上號爲可汗
辛亥靈州地震十月貶蕭瑀爲商州刺史丙戌至自靈州
十一月己丑詔祭祀表疏藩客兵馬宿衛行魚契給驛授
五品以上官及除解決死罪皆以聞餘委皇太子

二十一年正月壬辰高士廉薨丁酉詔以來歲二月有事
于泰山甲寅以鐵勒諸部爲州縣賜京師酺三日慮囚降
死罪以下二月丁丑皇太子釋菜于太學三月戊子左武

衛大將軍牛進達為青丘道行軍大總管李世勣為遼東道行軍大總管率三總管兵以伐高麗四月乙丑作翠微宮五月戊子幸翠微宮壬辰命百司決事于皇太子庚戌李世勣克南蘇木底城六月丁丑遣使鐵勒諸部購中國人陷沒者七月乙未牛進達克石城丙申作玉華宮庚戌至自翠微宮八月泉州海溢壬戌停封泰山九月丁酉封子明為曹王十月癸丑褚遂良罷十一月癸卯進封泰為濮王十二月戊寅左驍衛大將軍契苾何力為崑丘道行軍大總管率三總管兵以伐龜茲

二十二年正月庚寅馬周薨戊戌幸溫湯己亥中書舍人

崔仁師為中書侍郎參知機務丙午左武衛大將軍薛萬徹為青丘道行軍大總管以伐高麗長孫無忌檢校中書令知尚書門下省事戊申至自溫湯二月褚遂良起復乙卯見京城父老勞之蠲今歲半租畿縣三之一丁卯詔度遼水有功未酬勲而犯罪者與成官同乙亥幸玉華宮己卯獵于華原流崔仁師于連州三月丁亥赦宜君給復縣人自玉華宮苑中遷者三年四月丁巳松州蠻叛右武衛將軍梁建方敗之六月丙寅張行成存問河北從軍者家令州縣為營農丙子薛萬徹及高麗戰于泊灼城敗之七月甲申太白晝見壬辰殺華州刺史李君羨癸卯房玄齡

唐書紀二
十六
薨八月己酉朔日有食之辛未執失思力伐薛延陀餘部
于金山九月庚辰崑丘道行軍總管阿史那社爾及薛延
陀餘部處月處蜜戰敗之己亥褚遂良爲中書令壬寅眉
邛雅三州獠反茂州都督張士貴討之十月癸丑至自玉
華宮己巳阿史那社爾及龜茲戰敗之十二月辛未降長
安萬年徒罪以下閏月癸巳慮囚

二十三年正月辛亥阿史那社爾俘龜茲王以獻三月己
未白冬旱至是雨辛酉大赦丁卯不豫命皇太子聽政于
金液門四月己亥幸翠微宮五月戊午貶李世勣爲豐州
都督己巳皇帝崩于含風殿年五十三庚午奉大行御馬

興還京師禮部尚書于志寧爲侍中太子少詹事張行成
兼侍中高季輔兼中書令壬申發喪謚曰文上元元年改
謚文武聖皇帝天寶八載謚文武大聖皇帝十三載增謚
文武大聖大廣孝皇帝

贊曰甚矣至治之君不世出也禹有天下傳十有六王而
少康有中興之業湯有天下傳二十八王而其甚盛者號
稱三宗武王有天下傳三十六王而成康之治興宣之功
其餘無所稱焉雖詩書所載時有闕略然三代千有七百
餘年傳七十餘君其卓然著見於後世者此六七君而已
嗚呼可謂難得也唐有天下傳世二十其可稱者三君矣

宗憲宗皆不克其終盛哉太宗之烈也其除隋之亂比迹
湯武致治之美庶幾成康自古功德兼隆由漢以來未之
有也至其牽於多愛復立浮圖好大喜功勤兵於遠北中
材庸主之所常為然春秋之法常責備於賢者是以後世
君子之欲成人之美者莫不歎息於斯焉

本紀第三

唐書三

歐陽

脩

奉

勅

撰

高宗天皇大聖大弘孝皇帝諱治字為善太宗第九子也
母曰文德皇后長孫氏始封晉王貞觀七年遙領并州都
督十七年太子承乾廢而魏王泰次當立亦以罪黜乃立
子治為皇太子太宗嘗命皇太子遊觀習射太子辭以非
所好願得奉至苴嘉膝下太宗大喜乃營寢殿側為別院
使太子居之太宗每視朝皇太子常侍觀決庶政二十三
年太宗有疾詔皇太子聽政於金液門四月從幸翠微宮
太宗崩以羽檄發六府甲士四千衛皇太子入于京師六

月甲戌即皇帝位于柩前太赦賜文武官勲一轉民八十
以上粟帛給復雍州及比歲供軍所一年癸未長孫無忌
爲太尉癸巳檢校洛州刺史李勣爲開府儀同三司參掌
機密八月癸酉河東地震乙亥又震庚辰遣使存問河東
給復二年賜壓死者人絹三匹庚寅葬文皇帝于昭陵九
月甲寅荆王元景爲司徒吳王恪爲司空乙卯李勣爲尚
書左僕射同中書門下三品十一月乙丑晉州地震左翊
衛郎高品伐突厥是冬無雪

永徽元年正月辛丑改元丙午立妃王氏爲皇后張行成
爲侍中二月辛卯封子孝爲許王上金祀王素節雍王四

月己巳晉州地震五月己未太白晝見六月高偁及突厥
戰于金山敗之庚辰晉州地震詔五品以上言事七月辛
酉以旱慮囚八月戊辰給五品以上解官充侍者半祿加
賜帛庚午降死罪以下九月癸卯高偁俘突厥車鼻可汗
以獻十月戊辰李勣罷左僕射十一月己未貶褚遂良爲
同州刺史十二月庚午琰州獠寇邊梓州都督謝萬歲死
之

二年正月戊戌開義倉以賑民乙巳黃門侍郎宇文節中
書侍郎柳奭同中書門下三品乙卯瑤池都督阿史那賀
魯叛四月乙丑命有司毋進肉食訖于五月七月丁未賀

魯寇庭州左武衛大將軍梁廷方右驍衛大將軍契苾何力為弓月道行軍總管以伐之八月己巳高季輔為侍中于志寧為尚書左僕射張行成為右僕射同中書門下三品己卯白水蠻寇邊左領軍將軍趙孝祖為郎州道行軍總管以伐之九月癸卯以同州苦泉牧地賜貧民十月辛卯晉州地震十一月辛酉有事于南郊癸酉禁進大馬鷹鵠戊寅忻州地震甲申雨水是月賓州義州蠻寇邊桂州都督劉伯英敗之趙孝祖及白水蠻戰于羅仵候山敗之十二月乙未太白晝見壬子處月朱邪孤注殺招慰使單道惠叛附于賀魯是冬無雪

二年正月癸亥梁建方及處月戰于牢山敗之甲子以旱避正殿減膳降囚罪徒以下原之己巳褚遂良為吏部尚書同中書門下三品丙子享于太廟丁亥耕籍田三月辛巳雨土宇文節為侍中柳奭守中書令四月庚寅趙孝祖及白水蠻戰敗之甲午彭王元則薨是月兵部侍郎韓瑗為黃門侍郎同中書門下三品五月庚申求齊侍中崔季舒給事黃門侍郎裴澤隋儀同三司豆盧毓御史中丞游楚客子孫官之七月丁巳立陳王忠為皇太子大赦賜五品以上子為父後者勳一轉民鬴三日九月丙辰求周司沐大夫裴融尚書左丞封孝琰子孫官之是月中書侍郎

來濟同中書門下三品十二月癸巳濮王泰薨

四年二月甲申駙馬都尉房遺愛薛萬徹柴令武高陽巴陵公主謀反伏誅殺荆王元景吳王恪乙酉流宇文節于桂州戊子廢蜀王愔為庶人己亥徐王元禮為司徒李勣為司空四月壬寅以旱慮囚遣使決天下獄減殿中太僕馬粟詔文武官言事甲辰避正殿減膳六月己丑太白晝見八月己亥隕石于馮翊十有八九月壬戌張行成薨甲戌翟遂良為尚書右僕射十月庚子幸溫湯甲辰赦新豐乙巳至自溫湯戊甲睦州女子陳碩真反婺州刺史崔義亥討之十一月庚戌陳碩真伏誅癸丑兵部尚書崔敦禮

為侍中丁巳柳奭為中書令十二月庚子高季輔薨

五年正月丙寅以旱詔文武官朝集使言事二月戊午如萬年宮乙丑次鳳泉湯辛未赦岐州及所過徒罪以下六月癸亥柳奭罷丙寅河北大水遣使慮囚八月己未詔免麟游岐陽今歲課役岐州及供頓縣半歲九月丁酉至自萬年宮十月癸卯築京師羅郭起觀于九門

六年正月壬申拜昭陵赦醴泉及行從免縣今歲租調陵所宿衛進爵一級令丞加一階癸酉以少牢祭陪葬者甲戌至自昭陵庚寅封子弘為代王賢潞王二月乙巳皇太子加元服降死罪以下賜酺三日五品以上為父後者勳

一轉乙丑營州都督程名振左衛中郎將蘇定方伐高麗
五月壬午及高麗戰于貴端水敗之癸未左屯衛大將軍
程知節爲葱山道行軍大總管以伐賀魯壬辰韓瑗爲侍
中來濟爲中書令七月乙酉崔敦禮爲中書令是月中書
舍人李義府爲中書侍郎參知政事九月庚午貶褚遂良
爲潭州都督乙酉洛水溢十月齊州黃河溢己酉廢皇后
爲庶人乙卯立宸妃武氏爲皇后丁巳大赦賜民八十以
上粟帛十一月己巳皇后見于太廟戊子停諸州貢珠癸
巳詔禁吏酷法及爲隱名書者是冬皇后殺王庶人
顯慶元年正月辛未廢皇太子爲梁王立代王弘爲皇太

子壬申大赦改元賜五品以上子爲父後者勲一轉民醜
三日八十以上粟帛丙戌禁胡人爲幻戲者甲午放宮人
三月辛巳皇后親蠶丙戌戶部侍郎杜正倫爲黃門侍郎
同中書門下三品四月壬寅詔五品以上老疾不以罪者
同致仕壬子矩州人謝無零反伏誅七月癸未崔敦禮爲
太子少師同中書門下三品八月丙申崔敦禮薨辛丑程
知節及賀魯部歌邏祿處月戰于榆慕谷敗之九月庚辰
括州海溢癸未程知節及賀魯戰于怛篤城敗之十一月
乙丑以予顯生賜京官朝集使勲一轉自八月霜且雨至
於是月是歲龜茲大將羯獵顛附于賀魯左屯衛大將軍

楊胄伐之

二年閏正月壬寅如洛陽宮庚戌右屯衛將軍蘇定方爲
伊麗道行軍總管以伐賀魯二月癸亥降洛州囚罪徒以
下原之免民一歲租調賜百歲以上甌衮粟帛庚午封子
顯爲周王壬申徙封素節爲郇王三月戊申禁舅姑拜公
主父母拜王妃癸丑李義府兼中書令五月丙申幸明德
宮七月丁亥如洛陽宮八月丁卯貶韓瑗爲振州刺史來
濟爲台州刺史辛未衛尉卿許敬宗爲侍中九月庚寅杜
正倫兼中書令十一月戊戌如許州甲辰遣使慮所過州
縣囚乙巳獵于淇南壬子講武于新鄭赦鄭州免一歲租

賦賜八十以上粟帛其嘗事高祖任佐史者以名聞十二
月乙卯如洛陽宮丁巳蘇定方敗賀魯于金牙山執之丁
卯以洛陽宮爲東都

三年正月戊申楊胄及龜茲羯獵顛戰于泥師城敗之二
月甲戌至自東都戊寅慮囚六月壬子程名振及高麗戰
于赤烽鎮敗之十一月乙酉貶杜正倫爲橫州刺史李義
府普州刺史戊子許敬宗權檢校中書令甲午蘇定方俘
賀魯以獻戊戌許敬宗爲中書令大理卿辛茂將兼侍中
四年三月壬申岷陵都護阿史那彌射及西突厥真珠葉
護戰于雙河敗之四月丙辰于志寧爲太子大師同中書

門下三品乙丑黃門侍郎許圜師同中書門下三品戊辰
流長孫無忌于黔州于志寧罷五月己卯許圜師爲中書
侍郎同中書門下三品丙申兵部尚書任雅相度支尚書
盧承慶參知政事戊戌殺涼州都督長史趙持滿七月己
丑以旱避正殿壬辰慮囚八月壬子李義府爲吏部尚書
同中書門下三品十月丙午皇太子加元服大赦賜五品
以上子孫爲父祖後者勲一轉民酺三日閏月戊寅如東
都皇太子監國辛巳詔所過供頓免今歲租賦之半賜民
八十以上旣袞粟帛十一月丙午許圜師爲左散騎常侍
檢校侍中戊午辛茂將薨癸亥賀魯部悉結闕俟斤都曼

寇邊左驍衛大將軍蘇定方爲安撫大使以伐之盧承慶
同中書門下三品

五年正月癸卯蘇定方俘都曼以獻甲子如并州己巳次
長平賜父老布帛二月丙戌赦并州及所過州縣義旗初
嘗任五品以上葬并州者祭之加佐命功臣食別封者子
孫二階大將軍府僚佐存者一階民年八十以上版授刺
史縣令賜酺三日甲午祠舊宅三月丙午皇后宴親族隣
里于朝堂會命婦于內殿賜從官五品以上并州長史司
馬勲一轉婦人八十以上版授郡君賜旣袞粟帛己酉講
武子城西辛亥左武衛大將軍蘇定方爲神兵道行軍大

總管新羅王金春秋爲嶠夷道行軍總管率三將軍及新羅兵以伐百濟四月癸巳如東都五月辛丑作八關宮戊辰定襄都督阿史德樞賓爲沙磧道行軍總管以伐契丹六月庚午朔日有食之七月乙巳廢梁王忠爲庶人丁卯盧承慶罷八月庚辰蘇定方及百濟戰敗之壬午左武衛大將軍鄭仁泰及悉結拔也固僕骨同羅戰敗之癸未赦神兵道大總管以下軍士及其家賜民酺三日十一月戊戌蘇定方俘百濟王以獻甲寅如許州十二月辛未獵于安樂川己卯如東都壬午左驍衛大將軍契苾何力爲沮江道行軍大總管蘇定方爲遼東道行軍大總管左驍衛將軍劉伯英爲平壤道行軍大總管以伐高麗阿史德樞賓及奚契丹戰敗之

龍朔元年正月戊午鴻臚卿蕭嗣業爲扶餘道行軍總管以伐高麗二月乙未改元赦洛州四月庚辰任雅相爲沮江道行軍總管契苾何力爲遼東道行軍總管蘇定方爲平壤道行軍總管蕭嗣業爲扶餘道行軍總管右驍衛將軍程名振爲鏐方道行軍總管左驍衛將軍龐孝泰爲沃沮道行軍總管率三十五軍以伐高麗甲午晦日有食之六月辛巳太白經天八月甲戌蘇定方及高麗戰于沮江敗之九月癸卯及皇后幸李勣許圜師第壬子徙封賢爲

沛王十月丁卯獵于陸渾戊辰獵于非山癸酉如東都鄭
仁泰爲鐵勒道行軍大總管蕭嗣業爲仙萼道行軍大總
管左驍衛大將軍阿史那忠爲長岑道行軍大總管以伐
鐵勒

二年二月甲子大易官名甲戌任雅相薨戊寅龐孝恭及
高麗戰于蛇水死之三月庚寅鄭仁泰及鐵勒戰于天山
敗之乙巳如河北縣辛亥如蒲州癸丑如同州四月庚申
至自同州辛巳作蓬萊宮六月癸亥禁宗戚獻纂組雕鏤
七月戊子以子旭輪生蒲月大赦賜酺三日右威衛將軍
孫仁師爲熊津道行軍總管以伐百濟戊戌李義府罷八

月壬寅許敬宗爲太子少師同東西臺三品九月丁丑李
義府起復十月丁酉辛溫湯皇太子監國丁未至自溫湯
庚戌西臺侍郎上官儀同東西臺三品十一月辛未貶許
圉師爲虔州刺史癸酉封子旭輪爲殷王是歲右衛將軍
蘇海政爲颶海道行軍總管以伐龜茲海政殺崑陵都督
阿史那彌射

三年正月乙丑李義府爲右相二月減百官一月俸賦雍
同等十五州民錢以作蓬萊宮己亥殺駙馬都尉韋正矩
庚戌慮囚四月戊子流李義府于儋州五月壬午柳州蠻
叛冀州都督長史劉伯英以嶺南兵伐之六月吐蕃攻吐

谷渾涼州都督鄭仁泰爲青海道行軍大總管以救之八月癸卯有彗星出于左攝提戊申詔百寮言事遣按察大使于十道九月戊午孫仁師及百濟戰于白江敗之十月辛巳詔皇太子五日一至光順門監諸司奏事小事決之十一月甲戌兩木冰十二月庚子改明年爲麟德元年降京師雍州諸縣死罪以下壬寅安西都護高賢爲行軍總管以伐弓月

麟德元年二月戊子如福昌宮癸卯如萬年宮四月壬午道王元慶薨五月戊申許王孝薨丙寅以旱避正殿七月丁未詔以三年正月有事于泰山八月己卯幸舊第降萬

年縣死罪以下壬午至自萬年宮丁亥司列太常伯劉祥道兼右相大司憲實德玄爲司元太常伯檢校左相十二月丙戌殺上官儀戊子殺庶人忠劉祥道罷太子右中護樂彥瑋西臺侍郎孫處約同知軍國政事是冬無雪

二年二月壬午如東都三月甲寅司戎太常伯姜恪同東西臺三品戊午遣使慮京師諸司及雍洛二州囚閏月癸酉日有食之是春踈勒弓月吐蕃攻于闐西州都督崔智辯左武衛將軍曹繼叔救之四月丙午赦桂廣黔三都督府丙寅講武于邛山之陽戊辰左侍極陸敦信檢校右相孫處約樂彥瑋罷七月己丑鄧王元裕薨十月壬戌帶方

州刺史劉仁軌爲大司憲兼知政事丁卯如泰山大有年
乾封元年正月戊辰封于泰山庚午禪于社首以皇后爲
亞獻壬申大赦改元賜文武官階勳爵民年八十以上版
授下州刺史司馬縣令婦人郡縣君七十以上至八十賜
古爵一級民酺七日女子百戶牛酒免所過今年租賦給
復齊州一年半兗州二年辛卯幸曲阜祠孔子贈太師二
月己未如亳州祠老子追號太上玄元皇帝縣人宗姓給
復一年四月甲辰至自亳州庚戌陸敦信罷六月壬寅高
麗泉男生請內附右驍衛大將軍契苾何力爲遼東安撫
大使率兵援之左金吾衛將軍龐同善營州都督高仰爲

遼東道行軍總管左武衛將軍薛仁貴左監門衛將軍李
謹行爲後援七月乙丑徙封旭輪爲豫王庚午劉仁軌兼
右相八月辛丑竇德玄薨丁未殺始州刺史武惟良淄州
刺史武懷運九月龐同善及高麗戰敗之十二月己酉李
勣爲遼東道行臺大總管率六總管兵以伐高麗

二年正月丁丑以旱避正殿減膳慮囚二月丁酉涪陵郡
王愔薨辛丑禁工商乘馬六月乙卯西臺侍郎楊武戴至
德東臺侍郎李安期司烈少常伯趙仁本同東西臺三品
東臺舍人張文瓘參知政事七月己卯以旱避正殿減膳
遣使慮囚八月己丑朔日有食之辛亥李安期罷九月庚

申以餌藥皇太子監國辛未李勣及高麗戰于新城敗之
是歲嶺南洞獠陷瓊州

總章元年正月壬子劉仁軌爲遼東道副大總管兼安撫
大使涇江道行軍總管二月丁巳皇太子釋奠于國學戊
寅如九成宮壬午李勣敗高麗元扶餘南蘇木底蒼巖城
三月庚寅大赦改元四月乙卯贈顏回太子少師曾參太
子少保丙辰有彗星出于五車避正殿減膳撤藥詔內外
官言事庚申以太原元從西府功臣爲二等第一功後官
無五品者授其子若孫一人有至四品五品者加二階有
三品以上加爵三等第二功後有無五品者授其子若孫

從六品一人有至五品者加一階六品者二階三品以上
爵一等辛巳楊武薨八月癸酉至自九成宮九月癸巳李
勣敗高麗王高藏執之十二月丁巳俘高藏以獻丁卯有
事于南郊甲戌姜恪檢校左相司平太常伯閻立本守右
相

二年二月辛酉右肅機李敬玄爲西臺侍郎張文瓘爲東
臺侍郎同東西臺三品三月丙戌東臺侍郎郝處俊同東
西臺三品癸巳皇后親蠶四月巳酉如九成宮六月戊申
朔日有食之七月癸巳左衛大將軍契苾何力爲烏海道
行軍大總管以授吐谷揮九月庚寅括州海溢壬寅如岐

州乙巳赦岐州賜高年粟帛十月丁巳至自岐州十一月
丁亥徙封旭輪爲襄王改名輪十二月戊申李勣薨是冬
無雪

咸亨元年正月丁丑劉仁軌罷二月戊申慮囚丁巳東南
有聲若雷三月甲戌大赦改元壬辰許敬宗罷四月癸卯
吐蕃陷龜茲撥換城廢安西四鎮巳酉李敬玄罷辛亥右
威衛大將軍薛仁貴爲邏娑道行軍大總管以伐吐蕃庚
午如九成宮雍州大雨雹高麗會長鉗牟岑叛寇邊左監
門衛大將軍高侃爲東州道行軍總管右領軍衛大將軍
李謹行爲燕山道行軍總管以伐之六月壬寅朔日有食

之七月甲戌以雍華蒲同四州旱遣使慮囚城中御諸殿
馬戊子李敬玄起復薛仁貴及吐蕃戰于大非川敗績八
月庚戌以穀貴禁酒丁巳至自九成宮甲子趙王福薨丙
寅以旱避正殿減膳九月丁丑給復雍華同岐邠隴六州
一年閏月癸卯皇后以旱請避位甲寅姜恪爲涼州道行
軍大總管以伐吐蕃十月庚辰詔文武官言事乙未趙仁
本罷十二月庚寅復官名是歲大饑

二年正月乙巳如東都皇太子監國二月辛未遣使存問
諸州四月戊子大風雨雹六月癸巳以旱慮囚九月地震
丙申徐王元禮薨十月丙子求明禮樂之士十一月甲午

朔日有食之庚戌如許州遣使存問所過疾老鰥寡慮囚
十二月癸酉獵于昆陽丙戌如東都是歲姜恪爲侍中閻
立本爲中書令

三年正月辛丑姚州蠻寇邊太子右衛副率梁積壽爲姚
州道行軍總管以伐之二月己卯姜恪薨四月壬申校旗
于洛水之陰九月癸卯徙封賢爲雍王十月己未皇太子
監國十一月戊子朔日有食之甲辰至自東都十二月金
紫光祿大夫致仕劉仁軌爲太子左庶子同中書門下三
品

四年正月丙辰鄭王元懿薨四月丙子如九成宮閏五月

丁卯禁作簏捕魚營圈取獸者八月辛丑以不豫詔皇太
子聽諸司啓事己酉大風落太廟鸕尾十月壬午闔立宗
薨乙未以皇太子納妃赦岐州賜酺三日乙巳至自九成
宮

上元元年二月壬午劉仁軌爲雞林道行軍大總管以伐
新羅三月辛亥朔日有食之己巳皇后親蠶八月壬辰皇
帝稱天皇皇后稱天后追尊六代祖懿王爲光皇帝妣賈氏曰光懿
張氏曰宣莊皇后五代祖懿王爲光皇帝妣賈氏曰光懿
皇后增高祖太宗及后謚大赦改元賜酺三日十一月丙
午如東都已酉獵于華山曲武原十二月癸未將王暉自

殺

二年正月己未給復雍同華岐隴五州一年辛未吐蕃請和二月劉仁軌及新羅戰于七重城敗之三月丁巳天后親蠶四月辛巳天后殺周王顯妃趙氏丙戌以旱避正殿減膳撤樂詔百官言事己亥天后殺皇太子五月戊申追號皇太子為孝敬皇帝六月戊寅立雍王賢為皇太子大赦七月辛亥祀王上金免官削封邑八月庚寅葬孝敬皇帝于恭陵丁酉詔婦人為宮官者歲一見其親庚子張文瓘為侍中郝處俊為中書令劉仁軌為尚書左僕射戴至德為右僕射十月庚辰雍州雨雹壬午有彗星出于角亢

儀鳳元年正月壬戌徙封輪為相王丁卯納州獠寇邊一月丁亥如汝州溫湯遣使慮免汝州輕繫三月癸卯黃門侍郎來恒中書侍郎薛元超同中書門下三品甲辰如東都免汝州今歲半租賜民八十以上帛閏月己巳吐蕃寇鄯廓河芳四州左監門衛中郎將令狐智通伐之乙酉周王顯為洮河道行軍元帥領左衛大將軍劉審禮等十二總管相王輪為涼州道行軍元帥領契苾何力等軍以伐吐蕃四月戊申至自東都甲寅中書侍郎李義琰同中書門下三品戊午如九成宮六月癸亥黃門侍郎高智周同中書門下三品七月丁亥有彗星出于東井乙未吐蕃寇

豐州八月庚子避正殿減膳撤樂損食粟馬慮囚詔文武
官言事甲子停南北中尚梨園作坊減少府雜匠是月青
州海溢十月乙未至自九成宮丙午降封郇王素節鄱陽
郡王十一月壬申大赦改元庚寅李敬玄爲中書令十二
月戊午來恒薛元超爲河南河北道大使

二年正月乙亥耕籍田庚辰京師地震四月太子左庶子
張大安同中書門下三品五月吐蕃寇扶州八月辛亥劉
仁軌爲洮河軍鎮守使十月壬辰徙封顯爲英王更名哲
十二月乙卯募關內河東猛士以伐吐蕃是歲西突厥及
吐蕃寇安西冬無雪

三年正月丙子李敬玄爲洮河道行軍大總管以伐吐蕃
癸未遣使募河南河北猛士以伐吐蕃四月丁亥以旱避
正殿慮囚戊申大赦改明年爲通乾元年癸丑涇州民生
子異體連心五月壬戌如九成宮大雨霖九月辛酉至自
九成宮癸亥張文瓘薨丙寅李敬玄劉審禮及吐蕃戰于
青海敗績審禮死之十月丙申停劔南隴右歲貢丙午密
王元曉薨閏十一月丙申雨水冰壬子來恒薨十二月癸
丑罷通乾號

調露元年正月戊子如東都庚戌戴至德薨四月辛酉郝
處俊爲侍中五月丙戌皇太子監國戊戌作紫桂宮六月

辛亥大赦改元吏部侍郎裴行儉伐西突厥九月壬午行
儉敗西突厥執其可汗都支十月突厥温傳奉職二部寇
邊單于大都護府長史蕭嗣業伐之十一月戊寅高智周
罷甲辰禮部尚書裴行儉為定襄道行軍大總管以伐突
厥

永隆元年二月癸丑如汝州温湯丁巳如少室山乙丑如
東都三月裴行儉及突厥戰于黑山敗之四月乙丑如紫
桂宮戊辰黃門侍郎裴炎崔知温中書侍郎王德真同中
書門下三品五月丁酉太白經天七月巳卯吐蕃寇河源
辛巳李敬玄及吐蕃戰于湟川敗績左武衛將軍黑齒常

之為河源軍經略大使丙申江下元祥薨突厥寇雲州都
督竇懷哲敗之八月丁未如東都丁巳貶李敬玄為衡州
刺史甲子廢皇太子為庶人乙丑立英王哲為皇太子大
赦改元賜酺三日巳巳貶張大安為普州刺史九月甲申
王德真罷十月壬寅降封曹王明為零陵郡王戊辰至自
東都十一月壬申朔日有食之

開耀元年正月乙亥突厥寇原慶二州辛巳賜京官九品
以上酺三日癸巳裴行儉為定襄道行軍大總管以伐突
厥巳亥減殿中太僕馬省諸方貢獻免雍岐華同四州二
歲稅河南河北一年調二月丙午皇太子釋奠于國學三

唐書紀三
月辛卯郝處俊罷五月乙酉常州人劉龍子謀反伏誅丙
戌定襄道副總管曹懷舜及突厥戰于橫水敗績己丑黑
齒常之及吐蕃戰于良非川敗之六月壬子永嘉郡王暉
有罪伏誅七月己丑以太平公主下嫁赦京師甲午劉仁
軌罷左僕射閏月丁未裴炎爲侍中崔知溫薛元超守中
書令庚戌以餌藥皇太子監國庚申裴行儉及突厥戰敗
之八月丁卯以河南河北大水遣使賑之絕室廬壞者給
復一年溺死者贈物人三段九月丙申有彗星出于天市
壬戌裴行儉俘突厥溫傳可汗阿史那伏念以獻乙丑改
元赦定襄軍及諸道緣征官吏兵募十月丙寅朔日有食

之十一月癸卯徙庶人賢于巴州

永淳元年二月癸未以孫重照生蒲月大赦改元賜酺三
日是月突厥車薄咽麴寇邊三月戊午立重無爲皇太孫
四月甲子朔日有食之丙寅如東都皇太子監國辛未裴
行儉爲金牙道行軍大總管率三總管兵以伐突厥安西
副都護王方翼及車薄咽麴戰于熱海敗之丁亥黃門侍
郎郭待舉兵部侍郎岑長倩祕書員外少監郭正一吏部
侍郎魏玄同與中書門下同承受進止平章事五月乙卯
洛水溢六月甲子突厥骨咄祿寇邊嵐州刺史王德茂死
之是月大蝗人相食七月作萬宮己亥作奉天宮庚申

零陵郡大明自殺九月吐蕃寇柘州驍衛郎將李孝逸伐之十月甲子京師地震丙寅黃門侍郎劉齊賢同中書門下平章事

弘道元年正月甲午幸奉天宮二月庚午突厥寇定州刺史霍王元軌敗之三月庚寅突厥寇單于都護府司馬張行師死之庚子李義琰罷丙午有彗星出于五車癸丑崔知溫薨四月己未如東都壬申郭待舉郭正一同中書門下平章事甲申綏州部落稽白鐵余寇邊右武衛將軍程務挺敗之五月乙巳突厥寇蔚州刺史李思儉死之七月甲辰徙封輪爲豫王改名旦薛元超罷八月乙丑皇太子

朝于東都皇太孫留守京師丁卯漳沱溢巳巳河溢壞河陽城九月己丑以太平公主子生赦東都十月癸亥幸奉天宮十一月戊戌右武衛將軍程務挺爲單于道安撫大使以伐突厥辛丑皇太子監國丁未如東都戊申裴炎劉齊賢郭正一兼於東宮平章事十二月丁巳改元大赦是夕皇帝崩于貞觀殿年五十六謚曰天皇大帝天寶八載改謚天皇大聖皇帝十三載增謚天皇大聖大弘孝皇帝贊曰小雅曰赫赫宗周褒姒滅之此周幽王之詩也是時幽王雖亡而太子宜曰立是爲平王而詩人乃言滅之者以爲文武之業於是蕩盡東周雖在不能復興矣其曰滅

者甚疾之之辭也武氏之亂唐之宗族戕殺殆盡其賢士大夫不免者十八九以太宗之治其遺德餘烈在人者未遠而幾於遂絕其為惡豈一褒姒之比耶以太宗之明昧於知子廢立之際不能自決卒用昏童高宗溺愛祗席不戒履霜之漸而毒流天下貽禍邦家嗚呼父子夫婦之間可謂難哉可不慎哉

本紀第三

本紀第四

唐書四

歐陽脩奉

敕

撰

則天順聖皇后武氏諱曌并州文水人也父士護官至工部尚書荊州都督封應國公后年十四太宗聞其有色選為才人太宗崩后削髮為比丘尼居于感業寺高宗幸感業寺見而悅之復召入宮久之立為昭儀進號宸妃永徽六年高宗廢皇后王氏立宸妃為皇后高宗自顯慶後多苦風疾百司奏事時時令后決之常稱旨由是參豫國政后既專寵與政乃數上書言天下利害務收人心而高宗春秋高苦疾后益用事遂不能制高宗悔陰欲廢之而謀

洩不果上元元年高宗號天皇皇后亦號天后天下之人
謂之二聖弘道元年十二月高宗崩遺詔皇太子卽皇帝
位軍國大務不決者兼取天后進止甲子皇太子卽皇帝
位尊后爲皇太后臨朝稱制大赦賜九品以下勳官一級
庚午韓王元嘉爲太尉霍王元軌爲司徒舒王元名爲司
空甲戌劉仁軌爲尚書左僕射裴炎爲中書令劉齊賢爲
侍中同中書門下三品戊寅郭待舉魏玄同岑長倩同中
書門下三品癸未郭正一罷

光宅元年正月癸未改元嗣聖癸巳左散騎常侍韋弘敏
爲太府卿同中書門下三品二月戊午廢皇帝爲廬陵王

幽之巳未立豫王旦爲皇帝妃劉氏爲皇后立永平郡王
成器爲皇太子大赦改元爲文明賜文武官五品以上爵
一等九品以上勳兩轉老人版授官賜粟帛職官五品以
上舉所知一人皇太后仍臨朝稱制庚申廢皇太孫重照
爲庶人殺庶人賢于巴州甲子皇帝率羣臣上尊號于武
成殿丁卯册皇帝丁丑太常卿王德真爲侍中中書侍郎
劉禕之同中書門下三品庚辰贈玉清觀道士太中大夫
王遠知金紫光祿大夫三月丁亥徙封上金爲畢王素節
葛王四月丁巳滕王元嬰薨辛酉徙封上金爲澤王素節
許王癸酉遷廬陵王于房州丁丑又遷于均州五月癸巳

以喪禁射獵閏月甲子禮部尚書武承嗣爲太常卿同
中書門下三品七月戊午廣州崑崙殺其都督路元年乙
丑突厥寇朔州左武衛大將軍程務挺敗之辛未有彗星
出于西方八月庚寅葬天皇大帝于乾陵丙午武承嗣罷
九月甲寅大赦改元旗幟尚白易內外官服青者以碧大
易官名改東都爲神都追尊老子母爲先天太后丙辰左
武衛大將軍程務挺爲單于道安撫大使以備突厥已巳
追尊武氏五代祖克巳爲魯國公妣裴氏爲魯國夫人高
祖居常爲太尉北平郡王妣劉氏爲王妃曾祖儉爲太尉
金城郡王妣宋氏爲王妃祖華爲太尉太原郡王妣趙氏

爲王妃者士夔爲太師魏王妣楊氏爲王妃丁丑柳州司
馬李敬業舉兵于揚州以討亂貶韋弘敏爲汾州刺史十
月癸未楚州司馬李崇福以山陽安宜鹽城三縣歸于敬
業申申左玉鈐衛大將軍梁郡公孝逸爲揚州道行軍大
總管左金吾衛大將軍李知十爲副率兵三十萬以拒李
敬業丁亥左肅政臺御史大夫騫味道檢校內史同鳳閣
鸞臺三品鳳閣舍人李景謚同鳳閣鸞臺平章事壬辰李
敬業克潤州丙申殺裴炎追諡五代祖魯國公曰靖高祖
北平郡王曰恭肅曾祖金城郡王曰義康祖太原郡王曰
安成考魏王曰志孝丁酉曲赦揚楚二州復敬業姓徐氏

貶劉齊賢爲辰州刺史李景謨罷右史沈君諒著作郎崔
譽爲正諫大夫同鳳閣鸞臺平章事十一月辛亥左鷹揚
衛大將軍黑齒常之爲江南道行軍大總管庚申右監門
衛將軍蘇孝祥及徐敬業戰于阿谿死之乙丑徐敬業將
王那相殺敬業降丁卯郭待舉罷鸞臺侍郎韋方質爲鳳
閣侍郎同鳳閣鸞臺平章事十二月戊子遣御史察風俗
癸卯殺程務挺

垂拱元年正月丁未大赦改元庚戌騫味道守內史戊辰
劉仁軌薨二月乙巳春官尚書武承嗣秋官尚書裴居道
右肅政臺御史大夫韋思謙同鳳閣鸞臺三品突厥寇邊

左王鈐衛中郎將淳于處平爲陽曲道行軍總管以擊之

沈君諒罷二月崔譽罷丙辰遷廬陵王于房州辛酉武承
嗣罷辛未頒垂拱格四月丙子貶騫味道爲青州刺史癸
未淳于處平及突厥戰于忻州敗績五月丙午裴居道爲
納言丁未流王德真于象州己酉冬官尚書蘇良嗣守納
言封皇帝子成義爲恒王壬戌以旱慮囚壬申韋方質同
鳳閣鸞臺三品六月天官尚書韋待價同鳳閣鸞臺三品
九月丁卯揚州地生毛十一月癸卯韋待價爲燕然道行
軍大總管以擊突厥

二年正月辛酉大赦賜酺三日內外官勲一轉二月辛未

朔日有蝕之三月戊申作銅匱四月庚辰岑長倩爲內史
五月丙午裴居道爲內史六月辛未蘇良嗣同鳳閣鸞臺
三品己卯韋思謙守納言十月己巳有山出于新豐縣改
新豐爲慶山赦囚給復一年賜酺三日十二月免并州百
姓庸調終其身是冬無雪

三年閏正月丁卯封皇帝子隆基爲楚王隆範衛王隆業
趙王二月己亥以旱避正殿減膳丙辰突厥寇昌平黑齒
常之擊之三月乙丑韋思謙罷四月辛丑追號孝敬皇帝
妃裴氏曰哀皇后葬于恭陵癸丑以旱慮囚命京官九品
以上言事壬戌裴居道爲納言五月丙寅夏官侍郎張元

輔爲鳳閣侍郎同鳳閣鸞臺平章事庚午殺劉禕之七月
丁卯其州雌雞化爲雄乙亥京師地震雨金于廣州八月
壬子魏玄同兼檢校納言交趾人李嗣仙殺安南都護劉
延祐據交州桂州司馬曹玄靜敗之是月突厥寇朔州燕
然道行軍大總管黑齒常之敗之九月己卯虢州人楊初
成自稱郎將募州人迎廬陵王于房州不果見殺十月庚
子右監門衛中郎將襲寶璧及突厥戰敗績十二月壬辰
韋待價爲安息道行軍大總管安西大都護閻溫古副之
以擊吐蕃是歲大饑

四年正月甲子增七廟立高祖太宗高宗廟于神都庚午

毀乾元殿作明堂三月壬戌殺麟臺少監周思茂四月戊戌殺太子通事舍人郝象賢五月庚申得寶圖于洛水乙亥加尊號爲聖母神皇六月丁亥朔日有食之得瑞石于汜水七月丁巳大赦改寶圖爲天授聖圖洛水爲永昌洛水封其神爲顯聖侯加特進禁漁釣改嵩山爲神岳封其神爲天中王太師使持節大都督賜酺五日戊午京師地震八月戊戌神都地震丙午博州刺史瑯邪郡王沖舉兵以討亂遣左金吾衛大將軍丘神勣拒之戊申沖死之庚戌越王貞舉兵于豫州以討亂辛亥曲赦博州九月丙辰左豹韜衛大將軍麴崇裕爲中軍大總管岑長倩爲後軍

大總管以拒越王貞張光輔爲諸軍節度削越王貞及瑯邪郡王沖屬籍改其姓爲虺氏貞死之丙寅赦豫州殺韓王元嘉魯王靈夔范陽郡王甯黃國公譔東莞郡公融及常樂公主皆改其姓爲虺氏丁卯左肅政臺御史大夫騫味道夏官侍郎王本立同鳳閣鸞臺平章事十月辛亥大風拔木十一月辛酉殺濟州刺史薛顓及其弟駙馬都尉縉十二月乙酉殺霍王元軌江都郡王緒及殿中監裴承光大殺唐宗室流其幼者于嶺南己亥殺騫味道己酉拜洛受圖辛亥改明堂爲萬象神宮大赦

永昌元年正月乙卯享于萬象神宮大赦改元賜酺七日

丁巳舒王元名為司徒戊午布政于萬象神宮頒九條以
 訓百官己未朗州雌雞化為雄二月丁酉尊考太師魏忠
 孝王曰周忠孝太皇置崇先府官戊戌追諡妣楊氏曰周
 忠孝太后太原郡王曰周安成王妣趙氏為王妃金城郡
 王曰魏義康王妃宋氏為王妃北平郡王曰趙肅恭王妃
 劉氏為王妃五代祖魯國公曰太原靖王夫人裴氏為王
 妃三月甲子張光輔守納言癸酉天官尚書武承嗣為納
 言張光輔守內史四月甲辰殺汝南郡王瑋鄆陽郡公誣
 廣漢郡公謚汶山郡公綦零陵郡王俊廣都郡公璿徙其
 家于雋州己酉殺天官侍郎鄧玄挺五月丙辰韋待價及

吐蕃戰于寅識迦河敗績己巳白馬寺僧薛懷義為新軍
 道行軍大總管以擊突厥七月丁巳流紀王慎于巴州改
 其姓為仇氏丙子流韋待價于縑州殺閻溫古戊寅王本
 立同鳳閣鸞臺三品八月癸未薛懷義為新平道中軍大
 總管以擊突厥甲申殺張光輔洛州司馬弓嗣業洛陽令
 弓嗣明陝州參軍弓嗣古流人徐敬真乙未松州雌雞化
 為雄辛丑殺陝州刺史郭正一丁未殺相州刺史弓志元
 蒲州刺史弓彭祖尚方監王令基九月庚戌殺恒山郡王
 承乾之子厥閏月甲午殺魏玄同夏官侍郎崔營戊申殺
 彭州長史劉易從十月癸丑殺梁州都督李光誼丁巳殺

陝州刺史劉延景戊午殺右武威衛大將軍黑齒常之右
鷹揚衛將軍趙懷節己未殺嗣鄭王璠丁卯春官尚書范
履冰鳳閣侍郎邢文偉同鳳閣鸞臺平章事

天授元年正月庚辰大赦改元曰載初以十一月為正月
十二月為臘月來歲正月為一月以周漢之後為二王後
封舜禹湯之裔為三恪周隋同列國封其嗣乙未除唐宗
室屬籍臘月丙寅殺劉齊賢一日戊子王本立罷邢文偉
為內史岑長倩武承嗣同鳳閣鸞臺三品鳳閣侍郎武攸
寧為納言甲午流韋方質于儋二月丁卯殺地官尚書
王本立三月乙酉以旱減膳丁未蘇良嗣薨五月戊子殺

范履冰己亥殺梁郡公孝逸六月戊申殺汴州刺史柳明
肅七月辛巳流舒王元名于和州頒大雲經于天下壬午
殺豫章郡王重丁亥殺澤王上金許王素節甲午赦永昌
縣癸卯殺太常丞蘇踐言八月辛亥殺許王素節之子璟
曾江縣令白令言甲寅殺裴居道壬戌殺將軍阿史那惠
右司郎中喬知之癸亥殺尚書右丞張行廉太州刺史杜
儒童甲子殺流人張楚金戊辰殺流人元萬頃苗神客辛
未殺南安郡王頽鄆國公昭及諸宗室李直李敞李然李
勳李策李越李黯李玄李英李志業李知言李玄貞九月
乙亥殺鉅鹿郡公晃麟臺郎裴望及其弟司膳丞璉壬午

改國號周大赦改元賜酺七日乙酉加尊號曰聖神皇帝
降皇帝為皇嗣賜姓武氏皇太子為皇孫丙戌立武氏七
廟于神都追尊周文王曰始祖文皇帝妣妣氏曰文定皇
后四十代祖平王少子武曰睿祖康皇帝妣姜氏曰康惠
皇后太原靖王曰嚴祖成皇帝妣曰成莊皇后趙肅恭王
曰肅祖章敬皇帝妣曰章敬皇后魏義康王曰烈祖昭安
皇帝妣曰昭安皇后周安成王曰顯祖文穆皇帝妣曰文
穆皇后忠孝太皇曰太祖孝明高皇帝妣曰孝明高皇后
追封伯父及兄弟之子為王堂兄為郡王諸姑姊為長八
主堂姊妹為郡主司賓卿史務滋守納言鳳閣侍郎宗秦

本以積內史給事中傅游說為鸞臺侍郎同鳳閣鸞臺平
黃事十月丁巳給復并州武興縣百姓子孫相承如漢
沛中子貶宗秦客為遵化尉丁卯殺流人韋方質己巳殺
許王素節之子瑛琪玳瓚瑒瑛琛唐臣辛未貶邢文偉為
珍州刺史置太雲寺封周公為褒德王孔子為隆道公改
齊人廟為享德廟以武氏七廟為太廟
二年正月甲戌改置社稷旗幟尚赤戊寅殺雅州刺史劉
行實及其弟渠州刺史行瑜尚衣奉御行感元子左鷹揚
衛將軍虔通戊子武承嗣為文昌左相庚寅賜酺乙未殺
丘神勣左豹韜衛將軍衛蒲山庚子殺史務滋麗月己未

始用周臘四月壬寅朔日有蝕之丙午大赦五月丁亥大
風折木岑長倩爲武威道行軍大總管以擊吐蕃六月庚
戌左肅政臺御史大夫格輔元爲地官尚書鸞臺侍郎樂
思晦鳳閣侍郎任知古同鳳閣鸞臺平章事七月庚午徙
關內七州戶以實神都八月戊申武攸寧罷夏官尚書歐
陽通爲司禮卿兼判納言事庚申殺右玉鈐衛大將軍張
虔勗九月乙亥殺岐州刺史雲弘嗣壬辰殺博游藝癸巳
左羽林衛大將軍武攸寧守納言冬官侍郎裴行本洛州
司馬狄仁傑爲地官侍郎同鳳閣鸞臺平章事十月己酉
殺岑長倩歐陽通慈輔元壬戌殺樂思晦左衛將軍李安

長壽元年十月戊辰夏官尚書楊執柔同鳳閣鸞臺平章
事庚午貶任知古爲江夏令狄仁傑彭澤令流裴行本于
嶺南乙亥殺右衛大將軍泉獻誠庚辰司刑卿李游道爲
冬官尚書同鳳閣鸞臺平章事二月戊午秋官尚書袁智
弘同鳳閣鸞臺平章事四月丙申朔日有食之大赦改元
如意五月洛水溢七月又溢八月甲戌河溢壞河陽縣戊
寅武承嗣武攸寧楊執柔罷秋官侍郎崔元綜爲鸞臺侍
郎夏官侍郎李昭德爲鳳閣侍郎權檢校天官侍郎姚璿
爲文昌左丞檢校地官侍郎李元素爲文昌右丞營繕大
匠王璿爲夏官尚書司賓卿崔神基同鳳閣鸞臺平章事

九月戊戌大霧庚子大赦改元改用九月社賜酺七日癸卯以并州爲北都癸丑流李遊道袁智弘王璿崔神基李元素于嶺南十月丙戌武威道行軍總管王孝傑敗吐蕃克四鎮

二年臘月癸亥殺皇嗣妃劉氏德妃竇氏丁卯降封皇孫成器爲壽春郡王恒王成義衡陽郡王楚王隆基臨淄郡王衛王隆範巴陵郡王趙王隆業彭城郡王一月庚子夏官侍郎婁師德同鳳閣鸞臺平章事甲寅殺尚方監裴匪躬內常侍范雲仙三月己卯殺左衛員外大將軍阿史那元慶白潤府果毅薛大信五月乙未殺冬官尚書蘇幹相

州刺史來同敏癸丑河溢棣州九月丁未朔日有蝕之乙未加號金輪聖神皇帝大赦賜酺七日作七寶庚子追尊烈祖昭安皇帝曰渾元昭安皇帝顯祖文穆皇帝曰立極文穆皇帝太祖孝明高皇帝曰無上孝明高皇帝辛丑姚璿罷文昌右丞韋巨源同鳳閣鸞臺平章事秋官侍郎陸元方爲鸞臺侍郎同鳳閣鸞臺平章事司賓卿豆盧欽望守內史

延載元年臘月甲戌突厥默啜寇靈州右鷹揚衛大將軍李多祚敗之一月甲午婁師德爲河源積石懷遠等軍營田大使二月庚午薛懷義爲伐逆道行軍大總管領十八

將軍以擊默啜乙亥以晏億囚己卯武威道大總管王孝
傑及吐蕃戰于冷泉敗之三月甲申鳳閣舍人蘇味道爲
鳳閣侍郎同鳳閣鸞臺平章事李昭德檢校內史薛懷義
爲朔方道行軍大總管擊默啜昭德爲朔方道行軍長史
味道爲司馬四月壬戌常州地震五月甲午加號越古金
輪聖神皇帝大赦改元賜酺七日七月癸未嵩嶽山人武
什方爲正諫大夫同鳳閣鸞臺平章事八月什方罷戊辰
王孝傑爲瀚海道行軍總管己巳司賓少卿姚璿守納言
左肅政臺御史大夫楊再思爲鸞臺侍郎洛州司馬杜景
佺檢校鳳閣侍郎同鳳閣鸞臺平章事戊寅流崔元綜于

振州九月壬午朔日有蝕之壬寅貶李昭德爲南賓尉十
月壬申文昌右丞李元素爲鳳閣侍郎右肅政臺御史中
丞周允元檢校鳳閣侍郎同鳳閣鸞臺平章事嶺南獠寇
邊容州都督張玄遇爲桂永等州經略大使癸酉雨木冰
天冊萬歲元年正月辛巳加號慈氏越古金輪聖神皇帝
改元證聖大赦賜酺三日戊子貶豆盧欽望爲趙州刺史
韋巨源鄜州刺史杜景佺溱州刺史蘇味道集州刺史陸
元方綏州刺史丙申萬象神宮火丙午王孝傑爲朔方行
軍總管以擊突厥二月己酉朔日有蝕之壬子殺薛懷義
甲子罷慈氏越古號三月丙辰周允元薨四月戊寅建大

周萬國頌德天樞七月辛酉吐蕃寇臨洮王孝傑為肅邊道行軍大總管以擊之九月甲寅祀南郊加號天冊金輪大聖皇帝大赦改元賜酺九日以崇先廟為崇尊廟萬歲通天元年臘月甲戌如神岳甲申封于神岳改元曰萬歲登封大赦免今歲租稅賜酺十日丁亥禪于少室山巳丑給復洛州二年登封告成縣三年癸巳復于神都一月甲寅婁師德為肅邊道行軍副總管以擊吐蕃巳巳改崇尊廟為太廟二月辛巳尊神岳天中王為神岳天中黃帝天靈妃為天中黃后三月壬寅王孝傑婁師德及吐蕃戰于素羅汗山敗績丁巳復作明堂改曰通天宮大赦改

元賜酺七日四月丙午檢校夏官侍郎孫元亨同鳳閣鸞臺平章事庚子貶婁師德為原州都督府司馬五月壬子契丹首領松漠都督李盡忠歸誠州刺史孫萬榮陷營州殺都督趙文翽乙丑左鷹揚衛將軍曹仁師右金吾衛大將軍張玄遇左威衛大將軍李多祚司農少卿麻仁節等擊之七月辛亥春宮尚書武三思為榆關道安撫大使納言姚璿為副以備契丹八月丁酉張玄遇曹仁師麻仁節等及契丹戰于黃鷹谷敗績執玄遇仁節九月庚子同州刺史武攸宜為清邊道行軍大總管以擊契丹丁巳吐蕃寇涼州都督許欽明死之庚申并州長史王方慶為鸞臺

侍郎殿中監李道廣同鳳閣鸞臺平章事十月辛卯契丹寇冀州刺史陸寶積死之甲午慮囚

神功元年正月壬戌殺李元素孫元亨洛州錄事參軍蔡連耀箕州刺史劉思禮知天官侍郎事石抱忠劉奇給事周譚鳳閣舍人王勳前涇州刺史王勔太子司議郎路敬淳司門員外郎劉順之右司員外郎宇文全志來庭縣主簿柳瑛癸亥突厥默啜寇勝州平狄副使安道買敗之甲子婁師德守鳳閣侍郎同鳳閣鸞臺平章事二月乙巳慮囚三月庚子王孝傑及孫萬斬戰于東硤石谷敗績孝死之戊申赦河南北四月戊辰置九鼎于通天宮癸

酉前益州大都督府長史王及善為內史癸未右金吾衛大將軍武懿宗為神兵道行軍大總管及右豹韜衛將軍何迦密以擊契丹五月癸卯婁師德為清邊道行軍副大總管右武衛將軍沙吒忠義為清邊中道前軍總管以擊契丹六月丁卯殺監察御史李昭德司僕少卿來俊臣己卯尚方少監宗楚客同鳳閣鸞臺平章事戊子特進武承嗣春官尚書武三思同鳳閣鸞臺三品辛卯婁師德安撫河北七月丁酉武承嗣武三思罷八月丙戌姚璿罷九月壬寅大赦改元賜酺七日庚戌婁師德守納言十月甲子給復徇忠立節二縣一年閏月甲寅檢校司刑卿幽州都

督狄仁傑為鸞臺侍郎司刑卿杜景佺為鳳閣侍郎同鳳閣鸞臺平章事

聖曆元年正月甲子大赦改元賜酺九日丙寅宗楚客罷
丁亥李道廣罷三月己巳召廬陵王于房州戊子廬陵王
至自房州四月庚寅赦神都及河北辛丑婁師德為隴右
諸軍大使檢校河西營田事五月庚午禁暑六月乙卯大
風拔木七月辛未杜景佺罷八月突厥寇邊戊子左豹韜
衛將軍閻知微降于突厥寇邊甲午王方慶罷庚子春官
尚書武三思檢校內史狄仁傑兼納言司屬卿武重規為
天兵中道大總管沙吒忠義為天兵西道前軍總管幽州

都督張仁亶為天兵東道總管左羽林衛大將軍李多祚
右羽林衛大將軍閻敬容為天兵西道後軍總管以擊突
厥癸丑突厥寇蔚州乙卯寇定州刺史孫彥高死之九月
甲子夏官尚書武攸寧同鳳閣鸞臺三品戊辰突厥寇趙
州長史唐波若降于突厥刺史高叡死之突厥寇相州沙
吒忠義為河北道前軍總管將軍陽基副之李多祚為後
軍總管大將軍富福信為奇兵總管以禦之壬申立廬陵
王顯為皇太子大赦賜酺五日甲戌皇太子為河北道行
軍元帥以擊突厥戊寅狄仁傑為河北道行軍副元帥檢
校納言辛巳試天官侍郎蘇味道為鳳閣侍郎同鳳閣鸞

臺平章事十月癸卯狄仁傑為河北道安撫大使夏官侍郎姚元崇麟臺少監李嶠同鳳閣鸞臺平章事族閭知微二年正月壬戌封皇嗣旦為相王臘月戊子左肅政臺御史中丞吉頊為天官侍郎檢校右肅政臺御史中丞魏元忠為鳳閣侍郎同鳳閣鸞臺平章事辛亥賜皇太子姓武氏大赦一月庚申武攸寧罷二月己丑如綏氏辛卯如嵩陽丁酉復于神都三月甲戌以隋唐為二王後婁師德為納言四月壬辰魏元忠檢校并州大都督府長史天兵軍大總管婁師德副之以備突厥辛丑婁師德為隴右諸軍天使甲辰慮囚七月丙辰神都大雨洛水溢八月庚子王

及善為文昌左相同鳳閣鸞臺平章事太子宮丑豆盧欽望為文昌右相同鳳閣鸞臺三品楊再思罷丁未試天官侍郎陸元方為鸞臺侍郎同鳳閣鸞臺平章事婁師德薨戊申武三思為內史九月乙亥如福昌縣曲赦戊寅復于神都庚辰王及善薨是秋黃河溢十月丁亥吐蕃首領贊婆來

久視元年正月戊午貶吉頊為琰川尉壬申武三思罷臘月辛巳封皇太子之子重潤為邵王庚寅陸元方罷司禮卿阿史那斛瑟羅為平西軍大總管丁酉狄仁傑為內史庚子文昌左相韋巨源為納言乙巳如嵩山一月丁卯如

汝州温湯戊寅復于神都作三陽宮二月乙未豆盧欽望
罷三月癸丑夏官尚書唐奉一爲天兵中軍大總管以備
突厥四月戊申如三陽宮五月巳西朔日有蝕之癸丑大
赦改元罷天冊金輪大聖號賜酺五日給復告成縣一年
閏七月戊寅復于神都已丑天官侍郎張錫爲鳳閣侍郎
同鳳閣鸞臺平章事李嶠罷丁酉吐蕃寇涼州隴右諸軍
州大使唐休璟敗之于洪源谷八月庚戌魏元忠爲隴右
諸軍州大總管以擊吐蕃庚申歛天下僧錢作大像九月
辛丑狄仁傑薨十月辛亥魏元忠爲蕭關道行軍大總管
以備突厥甲寅復唐正月大赦丁巳韋巨源罷文昌右丞

韋安石爲鸞臺侍郎同鳳閣鸞臺平章事丁卯如新安
澗山曲赦壬申復于神都十二月甲寅突厥寇隴右

長安元年正月丁丑改元大足二月巳酉鸞臺侍郎李懷
遠同鳳閣鸞臺平章事三月丙申流張錫于循州四月丙
午大赦癸丑姚元崇檢校并州以北諸軍州兵馬五月乙
亥如三陽宮丁丑魏元忠爲靈武道行軍大總管以備突
厥丙申天官侍郎顧琮同鳳閣鸞臺平章事六月庚申夏
官侍郎李迥秀同鳳閣鸞臺平章事辛未赦告成縣七月
甲戌復于神都乙亥楊楚常潤蘇五州地震壬午蘇味道
按察幽平等州兵馬甲申李懷遠罷九月壬申殺邵王重

潤及永泰郡主主壻武延基十月壬寅如京師辛酉大赦
改元給復關內三年賜酺三日丙寅魏元忠同鳳閣鸞臺
三品十一月壬申武三思罷戊寅改含元宮爲大明宮
二年正月突厥寇鹽州三月丙戌李迥秀安置山東軍馬
檢校武騎兵庚寅突厥寇并州雍州長史薛季昶持節山
東防禦大使以備之七月甲午突厥寇代州八月辛亥劔
南六州地震九月乙丑朔日有蝕之壬申突厥寇忻州巳
卯吐蕃請和十月甲辰顧琮薨戊申吐蕃寇悉州茂州都
督陳大慈敗之甲寅魏元忠崇同鳳閣鸞臺平章事蘇味道
韋安石李迥秀同鳳閣鸞臺三品十一月甲子相王旦爲
安東道安撫使

司徒戊子祀南郊大赦賜酺三日十二月甲午魏元忠爲
三年三月壬戌朔日有蝕之四月庚子相王旦罷吐蕃來
求婚乙巳以旱避正殿閏月庚午成均祭酒李嶠同鳳閣
鸞臺平章事巳卯李嶠知納言事七月壬寅正諫大夫朱
敬則同鳳閣鸞臺平章事庚戌檢校涼州都督唐休璟爲
夏官尚書同鳳閣鸞臺平章事八月乙酉京師大雨雹九
月庚寅朔日有蝕之丁酉貶魏元忠爲高要尉十月丙寅
如神都十二月丙戌天下置關三十

四年正月丁未作興泰宮壬子天官侍郎常嗣立爲鳳閣

侍郎同鳳閣鸞臺三品二月癸亥貶李迥秀為廬州刺史
 壬申朱敬則罷三月丁亥進封皇孫平恩郡王重福為譙王
 亥夏官侍郎宗楚客同鳳閣鸞臺平章事貶蘇味道為坊
 州刺史四月壬戌常安石知納言事李嶠知內史事丙子
 如興泰宮赦壽安縣給復一年五月丁亥大風拔木六月
 辛酉姚元之罷乙丑天官侍郎崔玄暉為鸞臺侍郎同鳳
 閣鸞臺平章事丁丑李嶠同鳳閣鸞臺三品壬午相王府
 長史姚元之兼知夏官尚書同鳳閣鸞臺三品七月丙戌
 左肅政臺御史大夫楊再思守內史甲午復于神都貶宗
 客為原州都督八月庚申唐休璟兼幽營二州都督安

東都護九月壬子姚元之為靈武道行軍大總管十月辛
 酉元之為靈武道安撫大使甲戌判秋官侍郎張柬之同
 鳳閣鸞臺平章事壬午懷州長史房融為正諫大夫同鳳
 閣鸞臺平章事十一月丁亥天官侍郎常承慶行鳳閣侍
 郎同鳳鸞臺平章事李嶠罷十二月丙辰常嗣立罷
 五年正月壬午大赦庚寅禁屠癸卯張柬之崔玄暉及左
 羽林衛將軍敬暉檢校左羽林衛將軍桓彥範司刑少卿
 袁恕已左羽林衛將軍李湛薛思行趙承恩右羽林衛將
 軍楊元琰左羽林衛大將軍李多祚職方郎中崔泰之庫
 部員外郎朱敬則司刑評事冀仲甫檢校司農少卿兼知

總監翟世言內直郎王同皎率左右羽林兵以討亂麟臺
監張易之春官侍郎張昌宗汴州刺史張昌期司禮卿張
同休通事舍人張景雄伏誅丙午皇帝復于位丁未徙后
于正陽宮戊申上后號曰則天大聖皇帝十一月崩謚曰
大聖則天皇后唐隆元年改爲天后景雲元年改爲大聖
天后延和元年改爲天后聖帝末幾改爲聖后開元四年
改爲則天皇后天寶八載加謚則天順聖皇后

中宗大和大聖大昭孝皇帝諱顯高宗第七子也母曰則
天順聖皇后武氏高宗崩以皇太子即皇帝位而皇太后
臨朝稱制嗣聖元年正月廢居于均州又遷于房州聖曆

二年復爲皇太子太后老且病神龍元年正月張柬之等
以羽林兵討亂甲辰皇太子監國大赦改元丙午復于位
大赦賜文武官階爵民酺五日免今歲租賦給復房州三
年放宮女三千人相王旦爲安國相王太尉同鳳閣鸞臺
三品庚戌張柬之袁恕已同鳳閣鸞臺三品崔玄暉守內
史敬暉爲納言桓彥範守納言二月甲寅復國號唐貶常
承慶爲高叟尉流房融于高州楊再思同中書門下三品
姚元之罷甲子皇后常氏復于位大赦賜酺三日復宗室
死于周者官爵丙寅太子賓客武三思爲司空同中書門
下三品貶譙王重福爲濮州刺史丁卯右散騎常侍駙馬

都尉武攸暨為司徒辛未安國相王旦罷甲戌太子少詹事祝欽明同中書門下三品常安石罷進封子義興郡王重俊為衛王北海郡王重茂溫王丁丑武三思武攸暨罷恕已守中書令四月辛亥桓彥範為侍中袁恕已為中書令丁卯高要尉魏元忠為衛尉卿同中書門下平章事辛未敬暉為侍中甲戌魏元忠崔玄暉刑部尚書常安石為吏部尚書太子右庶子李懷遠為左散騎常侍涼州都督唐休璟為輔國大將軍同中書門下三品乙亥張柬之為中書令五月壬午遷武氏神主于崇恩廟乙酉立太廟社

稷于東都戊子復周隋二王後壬辰進封兄成紀郡王千里為成王甲午敬暉桓彥範張柬之袁恕已崔玄暉罷韋安石兼檢校中書令魏元忠兼侍中甲辰唐休璟為尚書左僕射特進豆盧欽望為尚書右僕射同中書門下三品六月壬子左驍衛大將軍裴思諒為靈武道行軍大總管以備突厥癸亥韋安石為中書令魏元忠為侍中楊再思檢校中書令豆盧欽望平章軍國重事七月辛巳太子賓客韋巨源同中書門下三品甲辰洛水溢八月戊申給復河南洛陽二縣一年壬戌追冊妃趙氏為皇后乙亥祔孝敬皇帝于東都太廟皇后見于廟丁丑幸洛城南門觀闕

象九月壬午祀天地于明堂大赦賜文武官勳爵民爲父
後者古爵一級酺三日癸巳韋巨源罷十月癸亥幸龍門
乙丑獵于新安辛未魏元中爲中書令楊再思爲侍中十
一月戊寅上尊號曰應天皇帝皇后曰順天皇后壬午及
皇后享于太廟大赦賜文武官階勳爵民酺三日己丑幸
洛城南門觀潑寒胡戲壬寅皇太后崩廢崇恩廟

二年正月戊戌吏部尚書李嶠同中書門下三品中書侍
郎于惟謙同中書門下平章事閏月丙午公主開府置官
屬二月乙未禮部尚書韋巨源爲刑部尚書同中書門下
三品丙申遣十道巡察使三月甲辰韋安石罷戶部尚書

蘇瓌守侍中戊申唐休璟罷庚戌殺光祿卿駙馬都尉王
同皎是月置員外官四月己丑李懷遠罷己亥兩毛于鄧
縣辛丑洛水溢五月庚申葬則天大聖皇后六月戊寅貶
敬暉爲崖州司馬桓彥範瀧州司馬袁恕已竇州司馬崔
玄暉白州司馬張柬之新州司馬七月戊申立衛王重俊
爲皇太子丙寅魏元忠爲尚書右僕射兼中書令李嶠守
中書令辛未左散騎常侍致仕李懷遠同中書門下三品
流敬暉于嘉州桓彥範于瀛州袁恕已于環州崔玄暉于
古州張柬之于瀧州八月丙子貶祝欽明爲申州刺史九
月戊午李懷遠薨十月癸巳蘇瓌爲侍中戊戌至自東都

十一月乙巳大赦賜行從官勲一轉十二月巳卯靈武軍大總管沙吒忠義及突厥戰于鳴沙敗績丙戌以突厥寇邊京師旱河北水減膳罷土木工蘇瓌存撫河北丙申魏元忠爲尚書左僕射

景龍元年正月丙辰以旱慮囚二月丙戌復武氏廟陵置令丞守戶如昭陵甲午褒德廟崇先陵置令丞四月庚寅赦雍州五月戊戌右屯衛大將軍張仁亶爲朔方道行軍大總管以備突厥丙午假鴻臚卿臧思言使于突厥死之以旱避正殿減膳六月丁卯朔日有食之庚午雨土于陝州戊子吐蕃及姚州蠻寇邊姚嵩道討擊使唐九徵敗之

七月辛丑皇太子以羽林千騎兵誅武三思不克死之癸卯大赦壬戌李嶠爲中書令八月丙戌上尊號曰應天神龍皇帝皇后曰順天翊聖皇后魏元忠罷九月丁酉吏部侍郎蕭至忠爲黃門侍郎兵部尚書宗楚客左衛將軍兼太府卿紀處訥同中書門下三品于惟謙罷庚子大赦改元賜文武官階勲爵辛亥楊再思爲中書令韋巨源紀處訥爲侍中蘇瓌罷十月戊寅殺習藝館內教蘇安恒壬午有彗星出于西方十二月乙丑朔日有食之丁丑雨土

二年二月癸未有星隕于西南庚寅大赦進五品以上母妻封號二等無妻者授其女婦人八十以上版授郡縣鄉

君七月癸巳朔方道行軍大總管張仁亶同中書門下三品丁酉有星孛于胃昴十一月庚申西突厥寇邊御史中丞馮嘉賓使于突厥死之巳卯大赦賜酺三日癸未安西都護牛師獎及西突厥戰于火燒城死之是歲皇后妃主昭容竇官行墨勅斜封

三年二月巳丑及皇后幸玄武門觀宮女拔河爲宮市以嬉壬寅韋巨源爲尚書左僕射楊再思爲右僕射同中書門下三品壬子及皇后幸太常寺三月戊午宗楚客爲中書令蕭至忠守侍中太府卿韋嗣立守兵部尚書同中書門下三品中書侍郎兼檢校吏部侍郎崔湜守兵部侍郎

趙彥昭爲中書侍郎同中書門下平章事戊寅禮部尚書韋溫爲太子少保同中書門下三品太常少卿鄭愔守吏部侍郎同中書門下平章事五月丙戌貶崔湜爲襄州刺史鄭愔江州司馬六月癸巳太白晝見庚子以旱避正殿減膳撤樂詔括天下圖籍壬寅慮囚癸卯楊再思薨七月丙辰西突厥娑葛降辛酉許婦人非緣夫子封者陰其子孫癸亥慮囚庚辰澧水溢八月乙酉李嶠同中書門下三品特進韋安石爲侍中壬辰有星孛于紫宮九月戊辰吏部尚書蘇瓌爲尚書左僕射同中書門下三品十一月乙丑有事于南郊以皇后爲亞獻大赦賜文武官階爵入品

者減考免關內今歲賦賜酺三日甲戌豆盧欽望薨十二月壬辰前宋國公致仕唐休璟爲太子少師同中書門下一品甲午如新豐温湯甲辰赦新豐給復一年賜從官勳一轉乙巳至自新豐

四年正月丙寅及皇后微行以觀燈遂幸蕭至忠第丁卯微行以觀燈幸韋安石長寧公主第巳卯如始平二月壬午赦咸陽始平給復一年癸未至自始平庚戌及后妃公主觀三品以上拔河三月以河源九曲予吐蕃庚申雨水冰井溢五月辛酉封嗣號王邕爲汴王丁卯殺許州司兵參軍蕪欽融丁丑剡縣地震六月皇后及安樂公主散騎

常侍馬秦客反壬午皇帝崩年五十五謚曰孝和皇帝天寶十三年加謚大和大聖大昭孝皇帝

贊曰昔者孔子作春秋而亂臣賊子懼其於弑君篡國之主皆不黜絕之豈以其盜而有之者莫大之罪也不沒其實所以著其大惡而不隱歟自司馬遷班固皆作高后紀呂氏雖非篡漢而盜執其國政遂不敢沒其實豈其得聖人之意歟抑亦偶合於春秋之法也唐之舊史因之列武后于本紀蓋其所從來遠矣夫吉凶之於人猶影響也而爲善者得吉常多其不幸而罹於凶者有矣爲惡者未始不及於凶其幸而免者亦時有焉而小人之慮遂以爲天

道難知為善未必福而為惡未必禍也武后之惡不及於
大戮所謂幸免者也至中宗韋氏則禍不旋踵矣然其親
遭母后之難而躬自蹈之所謂下愚之不移者歟

人之意難辨亦與合於外而之於內

古之難非莫難而蓋其間

實所以昏其大惡而不測

主昏不照惑之豈以其

實而

實十三平以益大味大聖

實



